

# HYGIASTICON

SEV

VERA RATIO

VALETVDINIS BONÆ

ET VITÆ

vnâ cum SENSVM, IVDICII,  
& MEMORIAE integritate  
ad extremam senectutem cōseruandæ:

*Auctore* LEONARDO LESSIO  
*Societatis IESV Theologo.*

Subiungitur Tractatus LVDOVICI CORNARI Ve-  
neri, eodẽm pertinens, ex Italico in Latinum  
sermonem ab ipso LESSIO translatus.

*Editio secunda.*



ANTVERPIÆ,  
EX OFFICINA PLANTINIANA,  
Apud Viduam & Filios Io. Moreti.

M. DC. XIV.

e tuenda scribere, mille obser-  
atiunculis & cautiunculis ad-  
hibitis circa ciborum & potuum  
qualitatem, circa singulorum  
pro varia anni tempestate vsum,  
circa tempestivas humorum de-  
ractiones, circa somnum, vigi-  
liam, corporis exercitationes,  
circa medicamina quibus singu-  
i humores corrigantur, quibus  
caput, ventriculus, ceteraque vi-  
cera roborentur. Non hoc fuit  
meum institutum. Et quamuis  
id prestare fortè non fuisset diffi-  
cile (non enim magni negotij est,  
ex varijs auctoribus multa colli-  
gere, eaque adhibito aliquo iudi-  
cio in ordinem & certam me-  
thodum digerere) tamen non id  
curavi, sed de industria vitavi, ne  
viderer Medicum potiùs quàm  
Theologum agere. Sublimius  
quid-

quiddam & Theologiæ propriū<sup>s</sup>  
mihi cordi fuit: nimirum com-  
mendare omnibus (maximè Re-  
ligiosis, & alijs qui functionibus  
mentis impensè dediti) sanctam  
Sobrietatem, quæ maximorum  
bonorum non solūm corpori,  
sed etiam animo est conciliatrix.  
Præter enim quòd bonam vale-  
tudinem & longævitatē præ-  
stat, mirificè etiam ad sapien-  
tiam & contemplationem, ad  
orationem & deuotionem, ad  
castitatem, ceterasque virtutes  
conducit; & simul efficit vt om-  
nes illas functiones mira facili-  
tate & ingenti consolatione ob-  
eas. Non decet Theologum in  
minutijs quibusdam, quæ ad  
corpus pertinent, hæreret, & ho-  
mines delicatos talibus conse-  
ctandis implicare, præsertim cūm



sine illis bona valetudo corporis  
facile conseruari possit : sed ei  
potissimum animi bona , quibus  
& Deo placeamus , & æternitatẽ  
demereamur , spectanda. Itaque  
cũ sancta Sobrietas vtriusque  
partis bona suis cultoribus præ-  
stet , non putavi à meo instituto  
alienum , si breuem hunc Tracta-  
tum in illius commendationem  
conscriberem , & simul ostende-  
rem , qua via & ratione ad illius  
congruentem mensuram possit  
perueniri.

Adiunxi Tractatum cuiusdam  
Veneti , viri sanè præclari , & acris  
iudicij , Ludouici Cornari , eò-  
dem pertinentem : qui longa ex-  
perientia , quanta sit vis Sobrie-  
tatis , didicit , eamque scripto suo  
egregiè commendat. Vtrumque,  
R. Domine , visum est nomini  
tuo



7  
tuo inscribere, & sub tuo patro-  
cinio in lucem emittere. Cui e-  
nim aptius dedicetur Tractatio  
de Sobrietate, quàm ei qui tam  
strenuè & constanter Sobrieta-  
tem coluit, & ea se vegetum sem-  
per ac alacrem vsque ad hanc æ-  
tatem septuagenariæ vicinam  
præstitit? Tu inter epulas, quas  
pænè quotidie in illa solitudine  
Campiniæ viris nobilibus illac  
transeuntibus ex Instituto pro-  
ponere debes, solus esurire nosti;  
& ceteris affatim appetitum ac  
ventrem explentibus, tu illum  
angustos intra limites coërces.  
Sunt & alia multa, quæ hoc ve-  
nerationis meæ erga te merentur  
testimonium: nimirum zelus  
ille tuus, quo causam Religionis  
tuæ, Ecclesiæ vniuersæ, & in pri-  
mis Belgio nostro vtilissimæ,

tanto animo promoues: prudentia tua insignis in administrando, qua tot annorum decursu, in tantis bellorum tumultibus & exercituum collisione, in tanta licentia militari, & vtriusq; partis quotidiano penè appulsu, cōseruasti in media eremo illud nobile hospitium, & saluum prestitisti: qua insuper non solum ingens æs alienum, quo oppressum erat, dissoluisti, sed etiam pulcherrimis ædificijs, & turri excelsa ad constituendum inibi monasterium exornasti. Et ut ceteras tuas virtutes, quarum tibi Sobrietas (omnium virtutum mater) est causa, omittam, postulat id amicitia quæ mihi plus quàm à 40. annis intercessit cum fratre tuo P. Georgio Colibrant, docto & notæ sanctitatis viro, sobrieta-

9  
brietati & orationi, mortificationi  
carnis & zelo animarum ma-  
ximè addicto, cuius exemplo &  
salutaribus monitis multæ præ-  
stantium adolescentum centu-  
riæ, se sacræ religioni varijs locis  
manciparunt. Meretur & con-  
iunctio quæ nobis cum altero  
fratre tuo Ioanne Colibrant vi-  
ro integerrimo intercedit; cuius  
probitas ubiq; nota opulentis pa-  
trimoniis est præstantior. Multa  
alia commemorare possem ad  
laudem tuam vel tuorum perti-  
nentia, sed parco pudori tuo, qui  
talia non libenter soles audire.

Accipe igitur, Reuerende Do-  
mine, hoc munusculum affectus  
nostri erga te tuosque testimo-  
nium: & sanctæ Sobrietatis bo-  
num quod in te expertus es, & in  
hoc Tractatu explicamus, alijs



omnibus, præsertim Dei seruis,  
 commenda, vt Domino Deo no-  
 stro perfectiùs & iucundiùs ser-  
 uire, & maiorem in cælo coro-  
 nam obtinere possint. Diuina  
 bonitas sanctos tuos conatus, ad  
 suam gloriam & hominum sa-  
 lutem prosperet; & te omni vir-  
 tutum genere cumulatum, post  
 longam & felicem senectutem,  
 beata æternitatis iuuenta reno-  
 uet. Louanij, Kal. Iulij. M.DC.XIII.

R. P. V.

*Seruus in Christo*

Leonardus Lessius,

Ap-

## Approbatio Superiorum,

**E**GO Guilielmus Verranneman, Pro-  
uincialis Soc<sup>us</sup> IESV in Prouincia  
Flandriae, potestate ad hoc mihi facta à R<sup>do</sup>  
admodum P. N. Claudio Aquauina Genera-  
li Præposito, facultatē concedo, vt Tractatus  
de Sobrietate à P. Leonardo Lessio Societa-  
tis nostræ Theologo concinnatus, & docto-  
rum virorum eiusdē Societatis iudicio exa-  
minatus & approbatus, typis euulgetur. In  
cuius rei fidē has litteras manu nostra sub-  
scriptas & sigillo nostro munitas dedimus.  
Louanij, anno Domini MDCXIII. II. Iunij.

Guilielmus Veranneman.

## Approbatio Censoris.

**H**I duo libelli, & lectu iucundi, &  
prælo dignissimi, quibus ad san-  
ctæ Sobrietatis commendationem haud faci-  
lè efficaciores inuenias.

Guilielmus Fabricius Nouiomagus,  
Apostolicus & Archiducalis libro-  
rum Censor.

SV M.

## SUMMA PRIVILEGII.

**A**LBERTI & ISABELLÆ CLARÆ EVGENIÆ, Archiducum Austriae, Ducum Burgundiae, Brabantiae, &c. Serenissimorum Belgicæ Principum Privilegio cautum est: nequis Librum, cui titulus est, *Hygiasticon seu vera ratio valetudinis bonæ & vitæ unâ cum sensuum, iudicij, & memoria integritate ad extremam senectutem conseruandæ*, Auctore LEONARDO LESSIO Societatis IESV Theologo, præter Martinæ Plantinæ viduæ & Balthasaris & Ioannis filiorum Io. Moreti p. m. voluntatem intra octennium excudat, aut alibi excusum in Inferioris Germaniæ ditiones venalem importet. Qui secus faxit, cōfiscatione librorum & alia graui pœna mulcabitur, vti latius patet in litteris datis Bruxellæ, xxv. Iunij, M. DC. XIII.

Signat.

Buschere.



13  
A P P R O B A T I O  
C. V. IOANNIS VIRINGI  
M E D. D O C T O R I S  
E T  
P R O F E S S O R I S.

**H**Ygiasticon R. P. LEONAR-  
DI LESSII Societatis IESV  
Theologi doctum, pium ac vtile. Ad  
normā enim Medicorum absolutum  
est, & integrum τῷ λόγῳ καὶ τῇ πράξει. Vi-  
gorem acuit mentis, & ad longæuita-  
tem ducit. Amans Reipub. & commu-  
nis boni, quæ ἐκ τῆς κυκλοπαιδείας regno  
cognouit, voluit esse commune. Ope-  
ram hanc laude dignissimam ego cen-  
seo: & quisquis sobrius sine dente ac li-  
uore diligenter legerit, ita sentiet, ac ve-  
lit nolit mecum iudicabit.

Ita censeo

*Ioannes VValterius Viringus Me-  
dicinæ Doct̃or & Professor.*

A P.

APPROBATIO  
C. V. GERARDI DE VILEERS  
MED. DOCTORIS

ET

PROFESSORIS ORDINARIJ.

**D**iligenter legi & expendi doctif-  
simum libellum Reuerendi Pa-  
tris LEONARDI LESSII, & iudi-  
co doctrinam illo contentam regulis  
Medicorum consentaneam; & fini, in  
quem ab Auctore conscriptus est, ac-  
commodatissimum: & propterea viris  
Religiosis, & omnibus officiis mentis  
deditis vtilissimum.

*Gerardus de Vileers Med. Doctor,  
& Professor ordinarius.*

AP-

APPROBATIO  
C. V. FRANCISCI SASSENI  
MED. DOCTORIS.

CVM morbi omnes, exceptis intemperie sine materia, instrumentarijs quibusdam, & (qui pauci sunt) ab inanitione, fiant vel à plethora vel à cacochymia; sit-  
que Galeni sententia 4. de sanitate tuenda cap. 4. victum tenuem optimè sustinere eos qui humores crassos & viscidos in primis venis habent, (quales Europæi ferè omnes, maximè Septentrionales sunt.) Tertiò cùm, eodem Galeno teste, animi mores sequantur temperamentum corporis, ac proinde etiam corpore à superuacuis omnibus excrementis libero, vegetiores sint mentis nostræ operationes: non solum sanitati bene valentium conseruandæ & valetudinari-  
um restaurandæ conferent hæc præcepta, sed (quod potissimum doctissimus hic Auctor intendit) sensuum, iudicij, & memoriæ integritati vsque ad extremam senectutem maxime conducent.

*Franciscus Sassenus*  
*Med. Doctor.*

IN



R<sup>di</sup> admodum Patris  
 LEONARDI LESSII  
 tractatum de Sobrietate.

**V**ITAM quæd faciat beatiorẽ,  
 Affectusq; animæ quietiores  
 Victus parcior, & sine arte mensa,  
 Isto LESSIVS astringit libello,  
 Tam viuis rationibus, modisque,  
 Parum vt sobrius integræ mentis  
 Credi debeat, & gula minister,  
 Quisquis negligit hunc modum fugandi  
 Morborum genus omne, & impotentis  
 Compescendi animæ vagos furores.  
 Annon Siluicola prioris aui  
 Hoc victu tenui leuique, sani  
 Degerunt placidissimam senectant?  
 Quin & LESSIVS ipse per tot annos  
 Afflictus grauiter, nihil parumve,  
 Sic viuendo, molestiora sentit  
 Accidentia, nec remittit vquam  
 Ad commune bonum impiger labores:  
 Tantum cura potest & ars diætæ.

Franciscus Sassenus Med. Doctor.

AD R. P.  
LEONARDVM LESSIVM  
DE  
SVO HOC LIBRO.

17.

CENTVM Decembres senibus indulgit  
Deus

*Vixisse multis; rara quæ nunc gratia est.*

*Sed copioso tot senum è numero tamen,*

*Vix numerus est, mihi crede LESSI, tan-  
tulus,*

*Quantus fuisse fertur in Nili ostiis,*

*Centum nitentes qui sine nebulis dies,*

*Centum per annos integros, aspexerit.*

*Quæ caussa? sicne Solem & æstiuum fre-  
quens*

*Aquæ volantis horror obnubit diem?*

*Non illa, LESSI, caussa tam grandis ma-  
li est:*

*Sed venter extra sobria vitæ orbitam*

*Effusus, appetentiâ immodici cibi,*

*Plerumque Solem mentibus suum eripit,*

*Rationis ipsum crapulâ obtundens iubar.*

*O misera vitæ tam bonæ dispendia!*

*Vt præstat ad laudandam amussim vivere,*

*Quam pauculis doctisque, LESSI, char-  
tulis*

B

Ex

*Ex arte scriptis explicas Machaonis.*  
*Tum nempe veram pura mens lucem ad-*  
*spicit ,*  
*Et absque fece , limpidò fruitur die :*  
*Et , seu quietam se libris velit abdere ,*  
*Seu magna cali permeare mœnia ,*  
*Et se beatis applicare mentibus ,*  
*Nullo tenetur illigata compede .*  
*O grata longi temporis compendia !*  
*Sic viuere , dies mauelim centum aut mi-*  
*nus ;*  
*Quàm lustra centum tota alia vel am-*  
*plius .*

Hermannus Hugo Soc. IESV.





## HYGIASTICON

SEV

VERA RATIO

VALETVDINIS

CONSERVANDÆ.



VLTI Auctores eruditè & co-  
piosè de conseruanda bona  
valetudine scripserunt: sed tot  
præceptis onerât homines, tot  
obseruationes & cautiones re-

quirunt circa cibi potusque qualitatem &  
quantitatem; circa aërem, somnum, exerci-  
tia, tempus anni, purgationes, sectiones ve-  
næ; tot condita, opiata, & alia remediorum  
exquisitorum genera præscribunt, vt assidua  
solicitude ad ea seruanda debeat adhiberi,  
& mera seruitus sit, illa conari præstare. Ac-  
cedit quòd effectus sit exiguus & sæpè nul-  
lus, dum id quod præcipuam vim habet,  
non obseruatur. Volunt enim homines li-  
berè omnibus vesci quæ palato grata, & quã-  
tum appetitus desiderat: volunt se commu-  
ni vsui accommodare, & sensualitati ac ore-  
xi indulgere, quo fit vt illarum præceptio-

num & obseruationum custodia parum illis pro-  
fit. Quam ob causam plerique negle-  
ctis Medicorum præceptis, omnia naturæ &  
euentui committunt. Miserum putant, ex  
Medicorum præscripto viuere, iuxta dictum  
vulgare, *Qui medicè viuit, miserè viuit*; mi-  
serum non posse quibuscumque cibis qui appo-  
nuntur, copiosè vesci, non posse vnumquam  
appetitui satisfacere, & ventrem satiare. Itaq;  
comedunt bis tertia per diem abundè, quā-  
tum appetitus postulat, ex quolibet cibo-  
rum genere. Deinde sumpto cibo, functio-  
nibus mentis ad aliquot horas incumbunt:  
nec vnumquam in animum inducunt vt pur-  
gationes statis temporibus sumant, nisi mor-  
bi sensus urgeat, putantes omnia salua, cum  
nihil sentiunt aduersi. hinc fit vt sensim cru-  
dis & noxiis repleantur succis & humori-  
bus, qui diuturnitate non solum augentur,  
sed etiam putrescunt, & maligniores red-  
duntur, adeo vt oblata leui occasione, vel  
ab æstu & frigore, vel à profectione, aliòve  
labore, vel à ventis, vel ab alio aliquo ex-  
cessu & incommodo, accendantur, & in le-  
tales morbos facessant.

- 2 Vidi ego multos viros præstantes in flo-  
renti ætate hac sola causa abreptos; qui si cu-  
randæ valetudinis rationem tenuissent, in  
plurimos annos ætatem prorogare, & sua  
doctri-

VALE  
doctrina,  
moda mu  
rem coro  
Multi et  
in sæcul  
valent,  
tis fund  
rent, &  
Qu  
cis co  
me fa  
bona  
me p  
mod  
rum  
san  
tur  
te,  
ala  
ti  
po  
&  
n  
a

doctrina, vel præclaris factis magna com-  
moda mundo adferre, & sibi longè maio-  
rem coronam in cælo promereri potuissent.  
Multi etiã sunt tam in Religionibus quàm  
in sæculo, qui huius rei imperitia sæpè malè  
valent, nec ita possunt studiis, aliisque men-  
tis functionibus vacare, sicut & ipsi opta-  
rent, & eorum vocatio postulat.

Quæ cùm multis iam annis in variis lo-  
cis considerassem, cogitavi operæpretium  
me facturum, si eam rationem conseruandę  
bonæ valetudinis proponerem, qua & ipse  
me plurimis annis in multis corporis incō-  
modis (post iudicia præstantium Medico-  
rum, qui solùm biennium vitæ tribuebant)  
sanum, & ad omnia mentis officia expedi-  
tum præstiti; & alij tum in nostra Societa-  
te, tum extra, se diutissimè incolumes &  
alacres tuentur: & superioribus sæculis san-  
cti viri & philosophi plurimùm vñ sunt. Ea  
potissimùm sita est in recto victus ordine,  
& cibi potusque certa moderatione; non  
molesta, quæ affligat & debilitet, sed naturæ  
accōmoda, quæ recreet, & vires corroboret.

Hæc cogitanti exhibitus est à viro illustri  
libellus quidam de Vita sobria, Italico ser-  
mone conscriptus, auctore D. Ludouico  
Cornaro Veneto, magni ingenij viro, hono-  
rato, opulento, & coniugij vinculis adstri-



cto, in quo mirificè hæc ratio commendatur omnibus, & multâ certâque experienciâ comprobatur. Valdè recreatus fui libelli huius lectione, planeq; dignum iudicaui, quem in Latinum sermonem translatum omnibus facerem communem : præmisso hoc meo Tractatu exegetico.

- 4 Neque hæc tractatio aliena videri debet ab instituto meo, qui Theologiam, non artem Medicam profiteor. Nam præterquam quòd Medices theoriam olim non leuiter attigi; res hæc à Theologi instituto non est aliena. Agitur enim de virtute pulcherrima Temperantiæ: in quo nimirum ipsa consistat, quod sit eius medium, quæ mensura obiecti: quomodo hæc mensura inuestiganda: denique qui fructus ex ea nascantur. Itaque hæc consideratio non ita est medica, quin etiam suo modo ad Theologiam, & moralem Philosophiam pertineat. Accedit quòd finis & scopus, quem hac in re potissimum specto, Theologo sit dignissimus. hic est, ut plurimis viris religiosiis, & aliis pietati addictis suppetat commoda ratio, qua Deo Domino nostro longo tempore faciliùs, lætiùs, & feruentiùs seruiant, cum magna sua spiritali voluptate, & ingenti merito æternæ gloriæ. Incredibile enim dictu est, quanta facilitate & interna consolatione vacetur oratio-

ARGV-  
MENTVM  
HOC NON  
ESSE ALIE-  
NVM A  
THEOLO-  
GI INSTI-  
TUTO.

orationi, recitentur preces canonicæ, peragatur Missæ sacrificium, incumbatur meditationi rerum diuinarum, legatur sacra Scriptura ab iis, qui vel cum mediocri talium rerum scientia, sobriæ vitæ sunt addicti. Hic meus præcipuus scopus in hoc Tractatu: hoc meum summum votum. Omitto quantum momenti adferat etiam aliis omnibus ad studiorum progressus, & ad omnia negotia, quæ mente & ingenio peraguntur, facilius & felicius peragenda. Verum de his & aliis commodis infra ex professo dicemus. Itaque siue materiam spectes, siue scopum, nõ debet hæc tractatio aliena à Theologi instituto videri. Habes, Lector, rationem mei in hoc opusculo instituti.

Itaque vt rem ipsam aggrediamur, Primum dicemus, Quid intelligatur nomine *Vitæ sobriæ*. Secundò, Qua via & ratione possit iusta mensura in eius obiecto constitui. Tertiò, Qui sint eius fructus & cõmoda.

Quod ad primum attinet: *Vitam sobriam* 5  
hîc vocamus, non solùm quæ modum statuit in potu, sed etiam in cibo: ita vt non amplius cibi vel potus assumatur, quàm corporis constitutio in ordine ad functiones animi postulet. Eamdẽm vocamus *Vitam ordinatam, regulatam, temperatam*. his enim nominibus idem significamus. Itaque

QVID VI-  
TA SO-  
BRIA.

materia circa quam potissimum versatur hac vita, seu Temperantia, est cibus & potus; in quibus debitam mensuram constanter seruat. Secundario tamen, & posteriore cura cauet etiam ab aliis excessibus, v.g. nimio æstu, frigore, fatigue, & similibus quæ valetudinem lædunt, & functiones animi impediunt.

DIVERSIS  
DIVERSA  
MENSURA  
CONGRUIT

6 Mensura illa non est eadem respectu omnium, sed diuersissima, pro diuersa corporis constitutione, robore, ætate. Alia enim conuenit ætati florenti, alia senili, alia robusto, alia debili; alia sano, alia ægro; alia corpori bilioso, alia pituitoso. Diuersa enim in his est facultas vetriculi: cui facultati hæc mensura exactè, quantum fieri potest, debet esse æqualis & commensa. Ea enim est *mensura* cuiusque, quam facultas ventriculi ipsius inter occupationes animi & corporis, quibus ille distinetur, perfectè potest concoquere, & alendo corpori satis est.

QVAE SIT  
MENSURA  
CUIUSQUE.

Dico *inter occupationes animi & corporis*, &c. Quia maior mensura congruit illi qui corporis exercitiis est deditus, & corpus assidue exercet, quàm ei qui totus est in studiis, meditatione, oratione, aliisque mentis functionibus. Functiones enim animi valdè impediunt & retardant concoctionem: vel, quia dum totam vim animæ sursum trahunt, actio-



actiones virium inferiorum quodammodò suspendunt ; vt experimur cùm attenti studiis vel orationi nec horas audimus , nec ea quæ ante oculos sunt, aduertimus: vel, quia spiritus non solùm animales, sed etiam vitales & naturales auocant. Hinc sæpè fit, vt duplo minus cibi ac potus conueniat ei , qui studiis & mentis functionibus est intentus, quàm ei qui assiduè corpus exercet ; etiam si viribus alioquin & ætate sint pares.

Itaque difficultas est in hac mensura inuenienda. Quod etiam notauit S. Augustinus lib. 4. contra Iulianum cap. 14. ita scribens: *Iam verò, cùm ad vsum ventum fuerit necessaria voluptatis, per quam reficimus corpus, quis verbis explicet quemadmodum nos modum necessitatis sentire non sinat, & ipsum limitem procurandæ salutis (si qua adsint delectabilia) rapiendo abscondat & transeat, putantibus nobis satis non esse quod satis est, dum libenter eius prouocationibus ducimur, existimantes nos adhuc agere negotium valetudinis, cùm agamus potius voluptatis. Ita nescit cupiditas, ubi finiatur necessitas.* Quibus verbis causam huius difficultatis refert in voluptatem , quæ facit vt non sentiamus quando ad debitam mensuram peruentum fuerit, & abscondit illum limitem, vt eum transiliamus, nobisque persuadet nos agere

QVOMODO  
MENSURA  
INVESTI-  
GANDA.

causam sanitatis, cùm agamus voluptatis. Itaque de hac mensura, quibus obseruationibus sit inuestiganda, nobis secundo loco dicendum: allatis ad eam rem quibusdam regulis, è quibus illa colligi possit. —

- 8 Sed hìc occurrent fortè aliqui: Non opus esse, vt in monasteriis quispiam de ea mensura sibi præfigenda sit sollicitus, cùm ipse Ordo, vel Superiores prudenti iudicio hanc mensuram definierint, constituendo vt pro ratione temporis tot portiones apponantur, tantum piscium, vel ouorum, vel carniū, tantum leguminum, orizæ, sorbitionis, fructuum, casei & butyri: tantum cereuisiæ & vini: omnia certo numero & mensura definita. Possumus ergo omnia ista tutò sumere, nec debitam mensuram excedemus. Hi catarrhos, tussēs, dolores capitis & stomachi, febres, & alios morbos, quibus sæpè consistantur, non putant prouenire ab excessu cibi vel potus, sed assignant ventis, auræ malignæ, vigiliis, nimio labori, & similibus causis extrinsecis. Sed falluntur manifestè. Vbi enim est tanta diuersitas corporum, & virium ventriculi, non potest eadem mensura omnibus esse accommodata; sed quod huic robusto & iuueni est æquale, illi debili & senili in duplum vel triplum est nimium: vt benè docet D. Thomas 2.2. q.141. a.6. Ari-

stote-

stotelem secutus: estque per se satis clarum. Itaque non eo consilio ea portionum quantitas & multitudo à Superioribus est constituta, vt quilibet sibi persuadeat hanc mensuram sibi congruere; sed vt etiam robustissimi satis haberent: ceteri verò ex diuersis fumerent quod placeret (tamen ea mensura, quam ratio dictaret) & in iis quæ relinquerent, haberent occasionem meriti frænando gulam. Non est difficile dum illecebræ absunt, temperantiam præstare; sed esurire inter epulas, & cohibere ventris ingluuiem irritamentis præsentibus, hoc opus, hic labor est, præsertim iunioribus, & aliis nondum gulam penitus domitam habentibus, ac proinde magni apud Deum meriti. Vnde ne in Religionibus hæc augendæ coronæ occasio desit, subinde aliquid ampliùs & in varietate, & in quantitate conceditur, quàm temperantiæ mensura requirat.

Nec obstat quòd illa dicantur dari ad aliquam naturæ recreationem. quia hæc recreatio non consistit in eo, vt consueta temperantiæ mensura tunc notabiliter excedatur, sed vt varietate quadam, vel grato ciborum, qui rariùs dantur, sapore delectetur, semper tamen intra mensuram temperantiæ; ita vt appetitus non omnino satietur. Quidquid enim hanc mensuram excedit,  
in



in vitio ponendum, siue nuptiæ sint, siue encænia, siue quæuis alia conuiuiorum solemnitas. Excedit verò quidquid superat eam quantitatem, quam ventriculus potest perfectè concoquere, nulla cruditate relicta.

Ad hanc mensuram deprehendendam, vti possumus hisce regulis & obseruationibus.

- 9 Prima REGVLA. Si tantum ordinariè sumas, vt postea parum sis aptus functionibus mentis, orationi, meditationi, studiis litterarum, perspicuum est te mensuram iustam excedere. Natura enim & ratio postulat, vt pars vegetans ita foueatur, vt facultas animalis & rationalis non offendatur; quia illa his seruire debet, & esse ad miniculo ad earum functiones, non impedimento. Cum ergo tantum ingeritur pro parte vegetante, vt functionibus superiorum facultatum, nempe sensuum, imaginatricis, intellectus, memoriæ, notabile detur impedimentum, signum est congruentem mensuram excedi. Prouenit hoc impedimentum ex vaporum qui potissimum è ventriculo in caput emittuntur, redundantia: qui modicè tantum eò mitterentur, si mensura non excederetur, vt experientia constat. Nam qui sobriam vitæ rationem sectantur, tam sunt ad omnes animi functiones expediti post cibum quàm ante: vt Auctor noster, quem infra subiunximus,

mus, sæpè testatur, & ipse quotidie experior, & alij plurimi in nostra Societate experientia docti nouerunt. Imò sancti Patres, qui solum semel per diem cibum sumebant, ita parcè id faciebant, vt nullo modo in functionibus animi impedirentur, quantò faciliùs id præstare possunt qui illam quantitatem diuidunt, & gemina refectione modicè vtuntur?

Dixi fumos istos, qui cerebri serenitatem 10 obnubilant, *potissimum prouenire è ventriculo cibis assumptis*: quia etsi hæc præcipua sit causâ, non tamen sola. Non enim solum è cibo recens assumpto, qui iam efferuescere & concoqui incipit, proueniunt: sed etiam è copia sanguinis & humorum qui sunt in hepate, liene, & venis; qui simul incalescunt, & magnam vim huiusmodi fuliginum sursum mandant. Verùm sobria vita sensim hanc plethoram vel cacochymiam castigat, & ad debitum modum tum in quantitate, tum in qualitate reuocat: adeò vt cibo assumpto non ampliùs huiusmodi fuligines in caput emittant. Quando enim natura perfectè suos humores per facultates vegetantes regit, ita omnia dispensat, vt neque vlli nascantur morbi, neque functionibus superioribus præbeatur impedimentum.

Nec refert quòd multi viri sobrietati dediti

diti à prandio se tradant quieti, & paulisper dormiant: quia id ob eam causam faciunt, vt vires laboribus mentis vel corporis antea fatigatæ, somno recreentur, & spiritus consumpti reparentur. Ad vtrumque enim seruit somnus. Deinde somnus iste est breuissimus; & nisi consuetudine vel fatigatione aliqua tenerentur, facillimè possent illum declinare. Nonnulli somnum hunc diutiùs protrahunt, sed tantumdem postea nocturnæ quieti detrahunt, in duas veluti partes totam corporis quietem partientes.

- II Secunda REGVLA. Si tantum cibi vel potus assumas, vt postea sentias torporem quemdam, grauitatem & lassitudinem corporis, cum antea esses agilis & excitatus; signum est mensuram congruentem excedi: nisi fortè ex morbo, vel morbi reliquiis, id proueniat. Cibus enim & potus, naturam & vires corporis recreare debent, & alacriores reddere, non grauare, & opprimere. Qui ergo ita constituti sunt, vt grauamen sentiant, his dimensum diurnum minuendum, præuia diligèti consideratione, vtrum excessu ciborum hoc incommodum proueniat, an potionis, an vtriusque: eoque deprehenso, sensim corrigendus, donec ad eam mensuram redigatur, ex qua non ampliùs sentiatur incommodum.

Multi



Multi hîc falluntur, qui etsi largè comedant & bibant, cibisq̃ue alimentosis vtantur, tamen semper queruntur se debiles, & putant id ex defectu alimenti & spirituum prouenire: vnde cibos maioris alimenti poscunt; & manè ad ientaculum properant, ne videlicet natura deficiat alimenti inopiâ. Verùm falluntur, vt dixi, & miserum corpus succo nimio grauatum magis grauant. Hæc enim debilitas in huiusmodi non prouenit ex defectu; sed ex humorum copia (vt plerumq. etiam habitus ipse corporis ventrisq̃ue tumor indicant) qui musculos, & spirituum vias & meatus, neruos inquam, nimium humectant. quo fit vt spiritus animalis (à quo tamquam vniuersali & proximo animæ instrumento, omnis vigor corporis in sensu & motu) liberè commear, & corpus regere nequeat. hinc illa debilitas & corporis grauitas, sensuumq̃ue torpor, spiritu animali per plethoram quodammodò intercepto. Docet id in plurimis plethoricis & cacochymis corporibus quotidiana experientia, quæ cùm tempore matutino sint languida & torpeant ob nimiam humiditatem ex pridiana cœna & somno nocturno relictam, consumpta per inediam & apophlegmatismos humiditate, sensim fiunt alacriora, & magis magisq̃ue vegeta,  
cre-

crescitque ille vigor usque ad vesperam, etiamsi valdè parum, vel nihil sumatur meridie. Quòd si durante ista humiditate & debilitate rursus comedant, præsertim humida, & notabili quantitate, augetur malum, & manent in suis miseriis. Itaque si quis agilis, & ad omnem motum ac sensuum usum expeditus esse velit, minuendi humores per diætam, ut spiritibus toto corpore sit liber commeatus, & anima illos ubique ad omnem motum, omnesque functiones corporis, paratos habeat.

- 13 Tertia REGULA. Ab inordinata viuendi ratione non est immediatè transeundum ad exactam regulam; sed id sensim faciendum, minuendo modicis subtractionibus cõsuetam quantitatem, donec ad eam perueniatur mensuram, quæ non ampliùs animi functiones offendit, nec grauat corpus. Est communis Medicorum doctrina. Omnes enim subitæ mutationes, si sint notabiles, offendunt naturam, propter consuetudinem (quæ veluti est altera natura) à qua violentè receditur, & inducitur quod illi est contrarium. Sicut ergo id quod est contrarium naturæ, vehementer sentitur & affligit: ita quod est contrarium consuetudini, quando illa adhuc viget. Vnde sensim & exiguis momentis recedendum. Sic enim inolita consuetudo

VAL  
tudo vel  
tollitur,  
creuit:  
que mo

Qu  
quantu  
data,  
tem, c  
men  
fatis  
per d  
aliis  
tide  
tiur  
rià  
co  
tis  
C  
hi  
e  
v  
t  
e  
l

tudo veluti per exiguas particulas gradatim tollitur, & enervatur, sicuti gradatim antea creuit: ac proinde modicè sentitur, parùmque molesta est talis mutatio.

Quarta REGVLA. Etsi non possit certa <sup>14</sup> quantitas statui quæ omnibus sit accommodata, propter ætatum viriumque varietatem, ciborumque discrimina: ad senium tamen vergentibus & debilibus communiter satis esse videntur 12. 13. vel 14. vnciæ cibi per diem, computato pane, carne, ovis, vel aliis obsoniis quibus quisque vescitur; & totidem vel paulò plures vnciæ potus. Ita sentiunt quidam ratione probabili, & experientia ducti. Hoc intellige de iis qui parùm corpus exercēt, & toti studiis, vel aliis mentis officiis sunt addicti. Sanè D. Ludouicus Cornarus, cuius opusculum de vita sobria hîc subiecimus, hanc mensuram probat, eamque sibi anno 36. ætatis præscripsit, & vsque ad finem vitæ tenuit. vixit tamen diutissimè & sanissimè. Sancti quoque Patres in eremo, etsi solo pane vescerentur, & aquam biberent, hanc mensuram non excedebant, sed eam passim in monasteriis etiam lege statuebant, vt scribit Cassianus collat. 2. abbatibus Moysis cap. 19. vbi abbas Moyses interrogatus quisnam esset optimus temperantiæ modus, ita respondet: *Super hac re in-*



*ter maiores nostros frequenter nouimus habitum fuisse tractatum. Nam discutientes continentias diuersorum, qui vel solis leguminibus, vel oleribus tantum, vel pomis vitam ingiter exigebant, praposuere cunctis illis refectionem solius panis; cuius exquisitum modum in duobus paximaciis statuerunt, quos paruulos panes vix libræ vnius pondus habere certissimum est. Itaque in singulos dies circiter 12. vncias panis statuebāt iustam mensuram, quæ omnibus passim satis esse posset. libra enim apud veteres est 12. vnciarum, non 16. vt apud nos.*

- 15 *Quidam putant singula paximacia fuisse vnius libræ: & ita intelligunt verba abbatis Moysis, quos paruulos panes, singulos nimirum. Sed non id de singulis, verum de duobus iunctim esse intelligendum, videtur manifestum, si res attentè consideretur. Primum, quia voluit exprimere quantum tota mensura, quæ duobus paximaciis constabat, penderet; non quantum singula paximacia. Deinde, quia illa mensura panis censebatur satis exigua, & valdè difficilis seruatu; vt idem abbas Moyses docet cap. 21. Atqui si duo paximacia erant duæ libræ panis per diem, non fuisset ea mensura exigua, nec difficilis ad seruandum: maxime senibus. Quis enim tanta quantitate panis assumpti*

non

non habet

num sum

apud nos

aliquis v

ederet:

net) ab

rius mu

macia

dam n

cum a

tione.

vt ref

id im

tus,

cias

ses n

hu

ctio

du

fu

ce

n

l

e

non habeat satis, aut dicatur modicè aut parum sumpsisse? Imò mirum videretur etiam apud nos, quibus regio frigida, si religiosus aliquis vna refectione duas libras panis comederet: nec ille (quod ad quantitatem attinet) abstinens & sobrius censeretur, sed potius multi cibi & vorax. Præterea duo paximacia aded non explebant famem, ut quidam mallēt biduo ieiunare, quàm quotidie cum aliis refici: nimirum ut duplicatam portionem sumerent, & appetitui satisfacerent: ut refert idem abbas Moyſes c. 24. vbi etiam id improbat. At quis exercitiis mentis deditus, comedat vna vice 4. libras, siue 48. vncias sicci panis? Deniq. ut idem abbas Moyſes refert cap. 11. abbas Serapion, cum adhuc eſſet puerulus, postquam tempore refectionis hora diei nona cum aliis sumpsisset duo paximacia, adhuc famebat; & idcirco furabatur tertium, quod postea clanculum comederet. At quis puerorum tres libras panis comedat? Itaque certum videtur singula paximacia fuisse solùm sex vnciarum, & duo simul iuncta pendisse circiter libram.

Quod si illi Patres per longam experientiam satis eſſe iudicarunt duodecim vncias panis sicci absque vllò obſonio, & cum hac diætâ ad extremam senectutem sani, & sensibus integri peruenerunt: quantò magis sa-



is esse poterunt 6. 7. 8. vnciæ panis cum 6. vel 7. vnciis optimorum obsoniorum, quæ duplo plus alunt quàm siccus panis? His accedit loco aquæ (qua illi utebantur) quæ per se non alit, cereuicia vel vinum, quæ multum alimenti præbent. denique experientia constat, multos esse quibus longè minus cibi & potus satis fit.

Et si hîc potissimùm de debilibus, vel ad senium vergentibus, sermo sit: tamen valdè probabile sentio, supradictam mensuram etiam sanis, robustis, & in ætatis flore constitutis ordinariè sufficere, si multum orationi, studijs, alijsve mentis functionibus sint dediti. Probant hoc infinita exempla sanctorum virorum, qui etiam ab anno 15. 16. aut 20. hanc mensuram vel etiam minorem sunt complexi: etiam si solo pane & aqua, vel paucis oleribus aut leguminibus vterentur: & tamè diutissimè, sanissimè in summis laboribus mētis, & maxima corporis afflictatione vixerunt: vt videre est in plurimis, quorum vitæ extat: ex quibus aliquot referemus infra n. 35. Deinde, quia in plurimis Monasterijs hæc mensura communiter lege sancita erat tamquam ordinariè omnibus tam iunioribus quàm senioribus sufficiens. Vnde Patres illi, qui maximam harum rerum experientiam habebant, & optimè norant quantum

natura

natura req  
ram ordi  
Idem sen  
probat: n

Quod  
natella, c  
vncias c  
tres vel  
restare  
potule  
similit  
sunt  
cōstit  
enim  
net,  
nost  
qui  
me

at  
no  
na  
c  
t



natura requireret, iudicarunt hanc mensuram ordinarie omni ætati posse sufficere. Idem sentit noster Auctor, & suo exemplo probat: nam ab anno 36. ætatis incepit.

Quod verò quidam hîc obijciunt de panatella, eam facile septem, octo, vel nouem vncias continere, ac proinde tunc non nisi tres vel quatuor vncias panis & obsoniorum restare; facile soluitur. Nam esculenta & potulenta si misceantur (vt in panatella & similibus menestris) seorsim expendenda sunt, & in suum reducenda ordinem, ad cõstituendam debitam mensuram. Liquor enim potabilis, ad mensuram potus pertinet, panis, ad mensuram eduliorum. Verùm nostri instituti non est, hæc minuta persequi. satis est ostendisse generatim, illam mensuram à ratione non abhorreere.

Quinta REGVLA. Quod ad qualitatem 16 attinet, ea non est magnopere curanda, si sano sis corpore, & tale genus cibi vel potus naturam tuam non offendant. Omnes præne cibi communiter vsitati naturæ benè constitutæ congruunt, si debita in illis mēsurā seruetur. Vnde etiam solo pane cum lacte, butyro, caseo, & cereuisia, diutissimè & sanissimè quis viuere potest; præsertim qui à puero ita consuevit. Ab iis tamen quæ nocent cauendum, etiam si palato alioquin sint gratif-

sima, ne magna saltem quantitate sumantur. Talia ferè sunt pingua, quæ & stomachum relaxant; eiusque vires in astrictione sitas dissoluunt, concoctionem reliquorum ciborum impediunt, eosque semiconfectos & semicrudos stomacho excidere faciunt, in caput fumos copiosè emittunt; unde nebulae, tusses, asthmata, aliaque pulmonis mala. Denique ipsa nisi probè concoquantur (ad quod opus est & stomacho bono, & tempore diuturno) vertuntur in prauos humores, materiamque febrilem, dum partim in biliosos, partim in phlegmaticos succos facessunt. His igitur studiosis viris vtendum parcius, adhibita sufficienti panis quãtitate. Sic enim eorũ noxa magna ex parte impeditur.

- 17 Talia item sunt omnia, quæ experientia teste, vel capiti suffusiones, nebulas, vertigines, destillationes aut tusses adferunt; vel ventriculo cruditates, inflationes, tormina, morsus, lancinationes faciunt; vel alia ratione statum corporis, aut animi functiones lædunt. Absurdum enim est tantis incommodis tam vilem ac breuem nundinari gulæ voluptatem. Nulla re magis proficeretur quis se gulæ mancipium, quàm si, vt illi satisfaciatur, noxia ingerat. Cum dicitur ab his cauendum, non sic intelligas, quasi ne parcè quidẽ liceat vti (sicut quidam à brassi-

ca, capis, caseo, fabis & pis, metu humoris melâcholici, biliosi, viscosi, inflationis, scrupulosè abstinent) sed ne assumantur notabili copia. Exiguâ enim quantitate, vel rariùs assumpta nocere non possunt, præsertim si grata appetitui. Imò sæpe quæ magnâ quantitate obsunt, modicâ naturæ profunt.

Inter omnia ciborum genera, senibus & 18 debilibus nihil conuenientius panatella, quæ sola cum vno vel altero ouo saluberrimè quis & diutissimè viuere potest; vt auctor noster testatur. Panatellam Itali vocant pul-ticulam, quæ ex pane & aqua, aut carniû iusculo, simul coctis constat. Ratio cur hæc sit maximè conueniens, est, tum quia concoctu facillima, cum iam sit instar illius chy-li quem stomachus ex cibis concoctione efficit: tum quia qualitatibus est temperatissima: tum quia putredini & corruptioni minimè obnoxia, vt multi alij cibi, qui in stomacho putrescunt. Denique copiosus & probus sanguis ex ea conficitur. Facile etiam aliquid additur, quo vel calidior euadat, vel magis alimentosa. Vnde meritò dixit Sapiens Ecclesiastici 29. *Initium vitæ hominis aqua & panis*. Quibus verbis significat vitâ hominis his duobus potissimùm fulciri & constare, eaq. vitæ conseruandæ esse maximè conuenientia; vt frustra pretiosæ carnes



& pisces, aliaq. gulæ irritamenta quærantur.

Plutarchus lib. de sanitate tuenda non probat carnes. ita enim scribit : *Maximè cruditates metuendæ sunt ab esu carniū.* Nam hæc & initio statim valdè prægrauant, & reliquias post se malignas relinquunt. ac optimum quidem erat ita corpus assuefacere, ut nullum id carniū requireret esum. Non enim ad nutriendum modò sufficientia largitur tellus producit, sed etiam ad delectationem & voluptatem : quibus partim nullum alium apparatus requirentibus vesci possis, partim sexcentis modis miscere & suauia reddere. Ad cuius sententiam accedunt multi Medici, eamq. probat experientia. multæ enim sunt nationes quæ rarò carne vescuntur, sed potissimùm viuunt oriza & fructibus, & tamen diutissimè viuunt & sanissimè, ut Iaponij, Chineses, Africani multis regionibus, & Turcæ. Idem cernitur in plurimis agricolis & mechanicis, qui ordinariè vescuntur pane, butyro, pulicula, legumine, herbis, caseo; carne rariùs, & tamè corpore sunt non solum sano, sed etiam firmo vitæque diuturnæ. omitto Patres qui in eremo vitam egere, & omnia antiqua monasteria.

- 19 Sexta REGULA. Quibus bona valetudo curæ est, ijs maximè cauenda ciborum varietas, & exquisita condiendi ratio. Hinc

doctif-

doctissimus Medicus Disarius apud Macro-  
bium l. 7. Saturnal. c. 4. & Socrates monent,  
illos cibos potusq. vitandos, *qui ultra sitim  
famemq. sedandam appetentiam producerent.*

Idem est commune Medicorum præce-  
ptum. Ratio est, quia illa varietas semper  
nouo modo gulam prouocat, & appetitum  
excitat, vt numquam videatur satis sumplis-  
se. quo fit vt iusta mensura enormiter exce-  
datur, & triplo vel quadruplo amplius su-  
matur, quàm natura postulet. Deinde quia  
diuersorum ciborum diuersa est natura, di-  
uersum temperamentum, & sæpè contra-  
rium: quo fit vt alij citius, alij tardius con-  
coquantur. Hinc mira in ventriculo crudi-  
tas, & totius concoctionis deprauatio; hinc  
inflationes, tormina, colicæ, obstructions,  
renum dolores & calculi: itaque & ratione  
quantitatis nimix, & ratione varietatis, ma-  
xima chyli seu succi, ex quo sanguis confi-  
ciendus, cruditas & inquinatio. Vnde Fran-  
ciscus Valeriola insignis Medicus, locorum  
communium lib. 2. cap. 6. hac de re dispu-  
tans, ait: *Ciborum varietate & copia in eadem  
mensa, & productione in longas moras, nihil  
nocētius homini ad salutem, omnibus ex aequo  
Medicis visum est.* Vide plura hac de re pul-  
chre disputata apud Macrobiū loco citato.  
Scribit Xenophon lib. 1. de dictis & factis

Socratis, eius diætam fuisse simplicissimam ac tenuissimam, adeò vt nemo sit, qui non possit facili negotio talẽ sibi parare. minimo enim sumptu opus fuisse. Athenæus lib. 2. refert ex Theophrasto, Phalinum quẽdam nullo alio cibo vel potu totius vitæ decursu vsum, quàm lacte solo. alios multos ibidem commemorat, qui victu simplici vfi. De Zoroastre refert Plinius lib. 11. cap. 42. eum 20. annos in deserto vixisse solo casei esu, qui ita temperatus erat, vt vetustatem non sentiret. Denique & olim omnibus sæculis, & modò apud omnes gentes illi salubrius & diutius viuunt, qui simplici, tenui ac vulgari ratione victus vtuntur.

- 20 Septima REGULA. Cùm tota difficultas in constituenda seruandaque iusta mensura, proueniat ex appetitu sensuali, & appetitus ex apprehensione imaginationis, qua cibi concipiuntur vt delectabiles, danda maximè est opera, vt talis imaginatio corrigatur. Ad quod hæc duo inter cetera multum valent. Primum, Subducere se ab epularum conspectu, ne specie & odore suo imaginationem excitent, & gulam alliciant: Præsentia enim obiecti naturaliter mouet potentiam. Multò difficilior est continere appetitum epulis præsentibus, quàm absentes non concupiscere. Idem accidit in aliis  
omni-



omnibus sensuum obiectis & lenociniis. Secundum, Imaginari res eas ad quas gula incitat, non vt blandas, odoratas, suaues, palato oblectabiles, quales modò videntur, sed vt fædas, sordidas, olidas, detestabiles, quales mox futuræ. Quælibet res dum in sua resoluitur principia, tunc apparet qualis re vera sit, & quidnam sub amabili illa specie latebat. At quidnam putentius aut fædius illis delicijs, simulatque leuem alterationem in stomacho subierint? Imò quò quid gulæ videtur gratius, eò mox euadit detestabilius, & maiorem fætozem exhalat. Vnde qui delicijs diffuunt, nisi externis odoribus vtantur, graueolentiâ corporis sui molesti sunt, instar cadauerum putentes. Similiter excretionες tetrissimo sunt odore, & halitus fætor intolerabilis. Contrà fit in rusticis & mechanicis, qui pane cibario, caſeo, & alijs cibis vulgaribus temperatè vtuntur. Meritò sic à Deo comparatum est, vt delicias discamus aspernari, & simplici victu esse contenti. Itaque hæc sæpè animo voluenda, & imaginatio in hunc modum asuefacienda.

Verùm occurrunt hîc duæ dubitationes. 21

Prima est, Vtrùm mensura cibi & potus, si-  
militer & qualitas non sit varianda secun-  
dum tempus anni. Plus enim videtur assu-  
men-

AN MEN-  
SVRA SIT  
VARIAN-  
DA.

menendum hieme quàm æstate ; eò quòd hieme ventres ( teste Hippocrate sect. 1. aphor. 15. ) sint calidiores , dum propter frigus ambiens calor à circumferentia concurrat ad centrum , seu ad intima viscera : æstate verò languidiores, ob causam contrariam ; nimirum quia calor ab intimis partibus euocatur ad circumferentiam, & dissipatur. Pari modo hieme vtendum siccis & calidis ob copiam pituitæ, quæ tunc redundat, & non dissipatur : æstate potius humidis & refrigerantibus ; quia per calorem aëris ambientis magna fit humorum discussio, & corpus arefcit.

Respondeo , Iuxta Medicorum placita ita videri faciendum ; non tamen anxie aut minutè , sed prout se offert commoditas. Quòd si non adsit commoditas, non est magnopere curandum. Nam si opus sit diætâ sicciorè , vt hieme , & quando diuturnæ pluviæ, facile est augere quantitatem panis, & minuere quantitatem potus ac obsoniorum humidorum. Copia enim potus & humidorum quæ tempore sicco iuuat, eadem si humida aura & subfrigida per aliquot dies sumatur, nocet, destillationes, raucedines ac tussés procreans. Quando verò opus est diætâ humidiorè , augeri potest mensura potus, addita vino maiore aquæ quanti-



quantitate, vel loco vini potest assumi tenuis cereuisia, quæ satis humectat & refrigerat. Hinc sancti Patres olim non videntur huius discriminis temporum magnam habuisse rationem, vnâ eamdemque mensuram, & vnius generis cibi & potum per totum annum constituentes: & tamen diutissime vixerunt. Nunc tamen in monasterijs hac in re satis valetudini est consultum, vt congruentia temporibus edulia præbeantur; ex quibus qui sobrietatem sectari volunt, sibi maximè accommodata possunt seligere.

Altera dubitatio est, Vtrum illa mensura <sup>22</sup>

de qua diximus, vna refectione an pluribus sit sumenda. Respondeo: Etsi veteres omnes qui temperantiam eximie coluere, vna refectione contenti fuerint, idque vel post solis occasum, vel hora diei nona, seu tertia post meridiem: vt refert Cassianus collat. 2. abbatis Moyse c. 25. & 26. tamen multi conuenientius censent vt senes bis reficiantur, distributa in duas partes supradicta mensura. Ratio est; quia cum senes ob imbecillitatem non possint multum vna vice assumere, expedit vt sæpius comedant, sed modica quantitate. Sic enim fiet vt non grauentur cibo, & facilius concoquant. Itaque in prandio poterunt sumi 7. vel 8. vnciæ, vesperi 3. vel 4. aut contrà, prout cuilibet

VTRVM SE  
NEL AN  
BIS CIBVS  
SUMEN-  
DVS.

bet



bet est commodius. Verum in istis diuturna consuetudo magnam vim habet: similiter & corporis dispositio. Nam si ventriculus pituita frigida & lenta abundet, magis expediens videtur, ut semel tantum comedat: quia multum temporis requiritur ut illa concoquatur vel extenuetur: idque ipsa experientia abunde compertum habeo. Si tamen refectio in vespere differatur, proderit meridie modicum quid sumere, praesertim quod iuuet ad nimiam ventriculi humiditatem exsiccandam. Vel si meridie prandeatur, tale quid expediet sumere vespere, v. g. passulas cum pane, vel similia. Maximè enim ijs qui ita affecti curandum, ut humiditas ista stomachi, quantum fieri potest, corrigatur. quia inde stomachus flatibus, & caput nebulis lentoq; phlegmate oppletur. *Sapientia*, inquit ille, *in sicco residet, non in paludibus & lacunis.* vnde Heraclitus: *Lux sicca, anima sapientissima.*

- 23) Obijciat aliquis aduersus ea quæ diximus, à præstantibus Medicis improbari, ut quis certam cibi & potionis sibi præfigat mensuram, praesertim modicam: quia hac ratione stomachus contrahitur, & ita illa quantitate consuescit, ut si contingat eam excedi, notabile grauamen & læsionem sentiat, dum supra consuetum distenditur.

Quod

Quod in  
non seru  
do plus  
videtur  
aphor  
sanis p  
tus, &  
uius f  
victu  
plenit

R  
locu  
ranc  
crel  
fio  
vit  
vt  
de  
se  
g  
f  
c

Quod incommodum vt euitetur, suadent non seruari eundem modum, sed aliquando plus, aliquando minus assumi. Quod videtur etiam ab Hippocrate confirmari aphorismo 5. sect. 1. vbi sic scribit: *Etiam in sanis periculosus est valde tenuis, & constitutus, & exactus victus; quoniam delicta grauius ferunt. ob hoc igitur tenuis & exactus victus periculosus est magis quàm paulò plenior.*

Respondeo, Hoc placitum Medicorum 24 locum habere in ijs qui eundem temperantiæ tenorem præstare nequeunt, propter crebras occasiones conuiuiorum & symposiorum, quas ipsi vel non possunt, vel nolunt vitare: neque ita domitam habent gulam, vt inter epularum affluentiā, solitam moderationem possint seruare, alijs præsertim suo exemplo & sermone ad indulgendum genio excitantibus. Tunc enim si multum se inferciant, sentient aliquid incommodi ob causam allatam. Secus de ijs qui sibi ab huiusmodi vel occasionibus, vel excessibus possunt cauere, & eandem vitæ rationem tenere. His enim congruentissima est certa mensura, præsertim ii debiles sint, aut senes, vt experientia & ratio ipsa conuincit. Nec refert quòd interdum occasione aliqua contingat hanc mensurā excedi: quia vnus  
aut

aut alter excessus parum nocet, modò statim ad solitam sobrietatem redeatur, tantoque minus in sequenti refectiōe sumatur, vel ea penitus omittatur. Vt si modicè prandere aut cœnare consuetus plusculum sumptis in prandio, abstineto à cœna: si in cœna excessisti, abstine sequenti die prandio. Itaque hoc incommodum non est tanti, vt propter illud vitandum certa mensura, quæ ordinariè seruetur, sit repudianda; cùm excessus aliquis, modò rarus sit, etiam senibus & debilibus parum noceat.

- 25 Si tamen excessus sit creber, multosque dies duret, graue nocumentum sentient, præsertim debiles & senes, qui antea certæ mensuræ erant addicti. Narrat Auctor noster, cùm ab anno ætatis 36. vsque ad 75. solum 12. vncias cibi, & 14. potus sumptisset, optima semper valetudine; se Medicorum hortatu & amicorum importunitate fuisse inductum, vt duas adhuc vncias tum cibo, tum potui adderet. Hunc verò etsi modicum excessum decimo die grauissimos illi morbos attulisse, dolorem lateris acerrimum, angustias pectoris, & febrem 35. dierum, adeò vt à Medicis iudicaretur depositus, nec potuisse curari nisi restituta priori consuetudine. Noui & ego quemdam, qui cùm multis annis solitus esset tantum cœ-
- nare,



nare, modica dumtaxat re eaque sicca meridie assumpta, hortatu multorum cœpit paulo amplius, eaque humida, meridie comedere. quæ res post decem vel duodecim dies. tantos stomachi & intestinorum dolores per aliquot hebdomadas illi attulit, vt moriturus videretur: in quos dolores, cum bis multis medicamentis, magnaque doctissimorum Medicorum industria esset curatus, bis relapsus est. Cumque iam tertio per aliquot dies affligeretur, venit illi in mentem mutatæ consuetudinis, & re diligenter expensa, sibi persuasit hanc esse causam tanti mali. quare statuit illam repetere. Quo facto, mox primo die cœperunt dolores minui, itaque intra quatrimum decreuere, vt nihil amplius præter magnam corporis debilitatem remaneret. quæ tamen & ipsa paulatim sobriæ illius & siccæ diætæ præsidio sublata. Non enim multitudo ciborum & deliciæ naturam debilem corroborant, sed modica quantitas viribus respondens, & qualitas temperamento conueniens.

Neque Hippocratis aphorismus suprâ 26 allatus huic nostræ sententiæ aduersatur. quia ille loquitur de victu tenui, id est parui alimenti, eaque mensura quæ viribus & bonæ constitutioni tuendæ non sufficiat. Nos

D

verò

verò quodlibet genus ciborum, quod naturæ sit commodum, admittimus; & eam mensuram, quæ viribus stomachi, & bonæ valetudini sit accommoda.

ALIA RATIO  
VEN-  
DAE VA-  
LETVDI-  
NIS.

27 Dices: Non omnibus integrum est vel commodum exactam diætæ rationem seruare: nullane suppetit ratio qua tales valetudinem suam tueantur, & vitam in longam senectutem producant? Respondeo, Suppetere hanc vnicam, quam multi præstantes Medici præscripserunt. Ea est, vt quotannis bis saltem, nempe in Vere & Autumno, corpus benè purgetur, & humoribus noxiis liberetur. Loquor de ijs qui corpus ordinariè non exercent, sed officijs mentis sunt intenti; vt sunt sacerdotes, religiosi, Iurisperiti, studiosi, & similes. Porro ea purgatio fieri debet præuia humorum præparatione, idque præscripto periti Medici: neque debet esse valida, & confertim operari, sed sensim per duos vel tres dies assumpto medicamento. Sic enim & facilè toleratur, & ampliùs prodest. Nam primo die purgatur prima regio, vt Medici loquuntur, hoc est intestina: secundo, hepar: tertio, venæ in quibus maxima prauorum humorum colluies. Qui enim nõ sobriè viuunt, singulis diebus aliquid crudi humoris addunt, quod ad venas attractum per totum

corpus

VALETUDINIS CONSERVANDÆ. 51

corpus veluti per spongiam distribuitur.

Itaque intra vnum vel alterum annum 28  
 tanta sæpè est quantitas prauis humoris in  
 corpore, quantum vas ducentarum vncia-  
 rum, seu quatuor poculorum vix capiat. Hi  
 humores tandem temporis tractu putre-  
 scunt, & letales morbos inferunt: vnde  
 maxima pars hominum ante tempus extin-  
 guitur. Quicumque enim ante extremam  
 ætatem pereunt, ferè hac de causa pereunt;  
 exceptis illis qui vi externa; vt gladio, igne,  
 calculo, bestiarum incurfu, vel veneno, vt  
 peste, toxico, &c. pereunt. Plurimi in suis  
 domibus omnibus commodis affluentes,  
 breui tempore humorum istorum maligni-  
 tate extinguuntur, qui in triennibus vincti,  
 & nautico pane & aqua pasti, sani & inco-  
 lumes in longam ætatem vitam propagas-  
 sent. Huic periculo occurritur tempestiuis  
 purgationibus, saltem bis quotannis assump-  
 ptis. Sic enim neque valdè magna potest  
 esse talium humorum copia, neque mul-  
 tum possunt putrescere, cum quoque seme-  
 ltri excernantur. Noui multos qui hac ra-  
 tione ad extremam senectutem peruenere,  
 vix vllò notabili morbo per totam viam  
 tentati.

29

Sequitur nunc tertium eorum quæ pro-  
 posuimus, nimirum vt explicemus, quan-

COMMO-  
 DA SO-  
 BRIAE VI-  
 TAE.

D 2

ta



ta commoda corpori & animo sobria vi  
conferat.

LIBERAT  
A MORBIS.

Primum commodum est, quòd hominem ab omnibus pænè morbis liberet & defendat. Aufert enim catarrhos, ruffes, asthmata, vertigines, capitis & stomachi dolores: arcet apoplexiam, lethargum, epilepsiam, aliosque cerebri affectus: curat podagram, chiragram, dolores ischiadicos, & articulares morbos. Aufert cruditatem, omnium morborum matrem. Denique ita humores temperat, & in debita proportione conseruat, vt neque quantitate neque qualitate peccent. Vbi verò est congrua humorum symmetria, ibi morbus locum non habet, cùm ratio sanitatis in tali proportione cõsistat. Confirmat id tum experientia, tum ratio. Videmus enim, eos qui sobriam rationem sequuntur, rarè vel numquam morbis tentari; & quando tentantur, facilius ferre quàm alios, qui prauis humoribus ex intemperantia gulæ redundant; & bene tempore restitui. Noui plurimos, qui natura sint debiles, & ætate prouecti, & aduè officiis mentis intenti, tamen beneficentia temperantiæ sani viuunt, & ab omni morbo notabili tota pænè vita longaue ætate immunes. Idem declarant exempla sancto Patrum & monachorum, qui in sum

vi

viētus parſimonia incolumes & alacres diu-  
tiſſimè vixerunt.

Ratio eſt, quia omnes pænè morbi, qui- 30  
bus ordinariè homines laborant, naſcuntur  
ex repletionē; nimirum quòd plus aſſuma-  
tur quàm natura requirat, & ſtomachus  
poſſit perfectè concoquere. Cuius ſignum  
eſt, quòd omnes pænè curentur euacuatio-  
ne. Detrahitur enim ſanguis per ſectiōem  
venarum vel cucurbitulas, vt natura leue-  
tur: ſubducitur medicamenti maxima hu-  
morum colluies, quæ per viſcera & corpus  
diffuſa: imperatur abſtinentia, & tenuiſſi-  
ma viētus ratio præſcribitur. Hic modus cu-  
randi manifeſtè indicio eſt, morbum ex re-  
pletionē ortum. Contraria enim contrarijs  
curātur. vnde Hippocrates ſect. 2. aphor. 22.

*Quicumque morbi ex repletionē ſunt, eos eua-  
cuatio ſanat: & quicumque ex euacuationē,  
repletio.* Rari tamen ſunt morbi ex euacua-  
tione, niſi in longa fame tempore obſidio-  
nis, vel nauigationis, vel alio ſimili euentu.  
quo caſu, detracto prius humore aduſto, quē  
calor per inediaſ procreauit & veluti aduſ-  
ſit, corpus ſenſim (aucta paulatim cibi men-  
ſura) alendum & corroborandum. Quod  
etiam poſt multas euacuationes, quibus in  
magnis morbis corpus & vires exhaustæ,  
faciendum, vt fiat reparatio. Itaque cūm

omnes pænè morbi nascantur ex eo quòd plus assumatur quàm natura postulet; con-  
sequens est, vt si quis debitam mensuram  
seruet, ab omni pænè morbo sit immuni.  
Quod etiam insinuat celebri illo dicto  
Hippocratis lib. 6. epidemion sect. 4. Ἀσθενεῖς  
ὁ ὑγιεινὸς ἀπορίῃ τροφῆς, ἀουρίῃ πόνου. *Studin-*  
*sanitatis est, edere citra saturitatem, & imp-*  
*grum esse ad labores.* vbi in parsimonia  
ctus, & exercitatione corporis ponit rat-  
nem conseruandæ bonæ valetudinis.

31

CRUDITAS  
MORBO-  
RVM MA-  
TER.

Idem confirmatur ex eo quòd crudi-  
à Medicis dicatur omnium morborũ (q-  
bus homines ordinariè laborant) semi-  
rium. Vnde Galenus l. 1. de cibis boni  
mali succi: *Nemo morbo corripitur, qui*  
*curatè cauet ne in cruditates incidat.* Et  
tione cruditatis dici solet, plures occidi  
pula quàm gladio. Et sacra Scriptura Ec-  
clasiastici 37. *Propter crapulam multi obier-*  
*qui autem abstinens est, adiiciet vitam.* Et p-  
lò antè: *Noli auidus esse in omni epulati-*  
*& non te effundas super omnem escam*  
*multis enim escis erit infirmitas.* Atqui so-  
victus ratio prohibet cruditatem, ac pro-  
succidit morborum causam. *Crudita-*  
vocat imperfectam ciborum conco-  
nem. Cùm enim stomachus vel ob nim-  
ciborum quantitatem, vel ob eorum  
lita



litate contumacem, vel ob varietatem simul assumptam, vel ex eo quòd defit iustum intervallum ad perfectam ciborum confectionem requisitum, imperfectè concoquit, dicitur chylus, seu succus, quem ex cibis confecit, esse crudus, & habere cruditatem, quæ multa adfert incommoda. Primò, replet cerebrum & viscera multis pituitosis & biliosis excrementis. Secundò, parit in exiguis viscerum meatibus multas obstructions. Tertiò, vitiat totum corporis temperamentum. Denique, venas implet humore putrido, ex quo grauissimi morbi.

Possent hæc singula fusè ostendi, sed res <sup>32</sup> est satis manifesta, præsertim primum & secundum; solum itaque exponam tertium & quartum. Vbi chylus fuerit crudus, seu malignè à stomacho confectus, & inquinatus potius quàm concoctus (Aristoteles enim μόλυνσις id vocat non *πέψιν*, iniquationem non concoctionem) ex huiusmodi chylo non potest in hepate sanguinis officinâ confici probus sanguis, sed solum vitiosus. Secunda enim cōcoctio, vt aiunt Medici, non potest emendare primā. Ex vitioso sanguine non potest fieri proba nutritio, sed necesse est vitiosum existere corporis temperamentum, & morbis obnoxium. Nam tertia concoctio (quæ in poris minutissimis toto cor-

pore agitur, vbi sanguis parti cuiuslibet alenda assimilatur, & vltimò disponitur ad eius formam suscipiendam) non potest emendare secundam. Hac ratione sensim per cruditatem mutatur & deprauatur totum corporis temperamentum, multisque incommodis subijcitur. Rursus chyli cruditas efficit, vt venæ per totum corpus repleantur sanguine impuro, multisque prauis humoribus permixto, qui tractu temporis sensim putrescunt, & tandem data occasione per laborem, æstum, frigus, ventum, &c. in graues & periculosas febres, quibus innumeri ætate florenti pereunt, accenduntur. Hæc incommoda defendit sobria victus ratio: quia tollit cruditatem, horum omnium causam. Cum enim non plus ingeritur quàm ventriculus probè possit cōficere, & ad hoc sufficiens temporis interuallum cōceditur, non potest nasci cruditas, sed chylus existet probus, & naturæ conueniens; ex probò chylo probus quoque fiet sanguis, ex bono sanguine bona totius corporis nutritio, & bonum temperamentum. Præterea vitatur hoc modo putredo humorum in venis, vitantur obstructions viscerum, & excrementitiæ superfluitates, quibus & caput, & viscera, & iuncturæ persæpè affliguntur: itaque conseruatur bona corporis constitutio

tio & sanitas. Hæc enim in duobus sita est; SANITAS  
IN DVO-  
BUS SITA.  
in humorum debita proportionē & symme-  
tria, tam secundum quantitatem quàm se-  
cundum qualitatem: & in totius corporis  
spongioso quodam habitu, nullis obstru-  
ctionibus impedito, ut spiritus & sanguis li-  
berum per omnes partes habeant discursu-  
m. Neque solum cruditatem humorum,  
& mala quæ inde sequuntur, impedit sobrietas,  
sed etiam superuacaneos humores consumit,  
idque multo securius & efficacius quàm corporis  
exercitatio, ut eruditè ostendit Cl. Doctor Viringus lib. 5. de Ieiunio,  
cap. 3. 4. & 5. labor enim confertim corpus  
agitat, & solum partes quasdam præ ceteris  
exercet, idque sæpè cum humorum perturbatione,  
cum magno æstu, & morborum periculo, præsertim  
februm, pleuritidis, & variarum in varias partes  
destillationum, quæ magnos dolores adferunt.  
Abstinencia verò magis intrò ad ipsa viscera,  
& ad omnes iuncturas ac articulos penetrat,  
omnia blandè & æquabiliter euacuans: crassa enim  
extenuat, obstructa aperit, superflua consumit,  
spirituum vias referat, & ipsos spiritus clariores  
efficit, idque absque humorum perturbatione,  
absque defluxionibus & doloribus, absque  
æstu corporis, ac morborum periculo, absque  
iactura temporis & dispendio fun-



ctionum meliorum. Negandum tamen nō est quin exercitatio, si modum non excedat, sit valdè utilis, & multis necessaria.

33

**S O B R I A  
V I T A M V -  
N I T A D -  
V E R S V S  
C A V S A S  
E X T E R -  
N A S.**

Alterum **C O M M O D V M** est, quòd non solùm à morbis, qui ex cruditate & interna humorum corruptione nascuntur, nos tuetur; sed etiam aduersus externas causas munit. Nam qui corpus purum, & humores benè temperatos habent, non ita facilè læduntur ab æstu, frigore, labore, & similibus incommodis, sicut alij qui prauis humoribus abundant: & si lædantur, faciliùs & citiùs curantur. Idem accidit in vulneribus, contusionibus, luxationibus, & fracturis ossium: quia nullus vel exiguus sit affluxus humorum ad partem affectam; qui affluxus curationem maximè impedit, & dolores & inflammationes efficit. Declarat id luculento exemplo noster Auctor infrà n. 11. Munit & contra pestem: faciliùs enim illi veneno resistitur si corpus sit purum. Vnde Socrates sua frugalitate & temperantia effecit, vt quamuis Athenas sepe numero pestis vastaret, ipse tamen numquam ægrotarit, vt scribit Laërt. lib. 2. de vitis Philos.

34

**M I T I G A T  
M O R B O S  
I N C V R A -  
B I L E S.**

Tertium **C O M M O D V M** vitæ sobria est, quòd etsi non curet morbos incurabiles, tamen eos ita mitigat, vt facilè tolerentur, nec magnopere functiones animi impediunt.

pediant. Constat hoc quotidiana experientia. Multi enim cum vlcere pulmonis, cum scirrho hepatis vel lienis, cum calculo in renibus aut vesica, cum inueterata impetigine, cum antiqua & inolita intemperie vlcerum, cum enteroccele, hydrocele, alijsque herniæ generibus, solius diætæ præsidio diu vitam producunt, semper alacres, & ad ingenij labores expediti. Sicut enim ista mala per ingluuiæ valdè exacerbantur, ita vt naturam grauius affligant, breuique tempore præcipitent: ita per sobriam victus rationem mirificè mitescunt, adeò vt parum incommodi plerumque ex illis sentiatur, nec multum de ordinario vitæ stadio accédant.

Quartum COMMODVM est, quòd suis cultoribus non solum sanitatem, sed etiam longæuitatem conferat, eosq; ad extremam senectutem perducatur; adeò vt cum ex hac vita decedendum, nullos ferè vel exiguos dolores sentiant: quia moriuntur per meram resolutionem. Vtrumque experientia & ratione notum est. Nam quòd ad longæuitatem attinet, constat, sanctos viros in eremo & monasterijs fuisse admodum longæuos, etiam si asperrimam vitam omnibus pænè corporis commodis destitutam ducerent. quòd potissimùm illorum sobrietati acceptum ferendum. Sic S. Paulus primus

Eremita

35

PRAESTAT  
LONGAE-  
VITATEM.

Eremita ætatem ad annos ferè 115. produxit: ex quibus circiter 100. egit in eremo; quadraginta quidem primos paucis dactylis & haustu aquæ; reliquos, cùm dactyli defecissent, pane dimidio, quem coruus ei quotidie subministrabat: vt scribit Hieronymus in eius vita. S. Antonius ad annos 105. ex quibus 90. egit in eremo solo pane & aqua (quibus aliquid oleris in extrema senectute addebat) corpus sustentans, teste Athanasio. S. Paphnutius excessit annos 90. solo pane vescens: vt colligitur ex Cassiano collat. 3. cap. 1. S. Hilarion etsi naturæ esset teneræ, & semper rebus diuinis intentus, vixit annos circiter 84. ex quibus ferè 70. transegit in eremo, mira abstinencia, & cultus victusque asperitate: vt refert Hieronymus. Iacobus Eremita Persa genere, partim in eremo, partim in monasterio transegit annos 104. victu tenuissimo: vt refert Theodoretus historia religiosa in Iuliano. Et ipse Iulianus, cognomento Saba, id est, senex, semel in hebdomade reficiebatur, pane hordeaceo, sale & aqua contentus: vt ibidem Theodoretus. S. Macarius, cuius Homiliæ extant, excessit annū nonagesimum, ex quibus in eremo, assiduo ieiunio peregit sexaginta. Arsenius præceptor Arcadij Imperatoris annos vixit 120. in sæculo 65. reliquos



quos 55. transegit in deserto abstinentia admirabili. Simeon Stylites vixit annos 109. ex quibus 81. in columna; 10. in monasterio: verum huius abstinentia & labores naturam humanam superare videntur. S. Romualdus, Italus, annos vixit 120. ex quibus 100. solidos egit in religione summa abstinentia, & cultu asperrimo. Vdalricus Episcopus Patauiensis, vir miræ abstinentiæ, vixit annos 105. teste Paulo Bernriedensi in vita Gregorij VII. quem ante annos aliquot in lucē produxit noster Gretzerus. S. Franciscus de Paula abstinentia admirabili (pane enim & aqua semel in die post solis occasum reficiebatur, vix aliquid obsonij, quo vesci in Quadragesima licet, adhibens) superavit annum 90. S. Martinus 86. S. Epiphanius ferè 115. S. Hieronymus circiter 80. S. Augustinus 76. S. Remigius exegit annos 74. in episcopatu. Venerabilis Beda ab anno 7. ætatis vsque ad 92. vixit in religione. Nimis longum esset omnes recensere, qui ex historijs & vitis Sanctorum adduci possent. Omitto plurimos nostræ ætatis, qui sobria victus ratione vitam incolumem ad annos 80. 90. 95. &c. extenderunt. Sunt enim etiam feminarum monasteria, in quibus victu tenuissimo viuitur ad annos 80. vel 90. adeò vt sexagenariæ & septuage-

ptuagenariæ vix inter seniores numerentur.

- 36 Neque dici potest, hos non vi naturæ, sed supernaturali Dei munere tantam ætatem vixisse. Non enim paucorum fuit ista longævitas, sed plurimorum, & ferè omnium qui exactam illam sobrietatem sunt sectati, & externo aliquo casu non sunt perempti. Vnde S. Ioannes Euangelista, qui solus inter Apostolos violenta morte ante naturæ terminum non est abreptus, vixit annos 68. post Domini Ascensionem. Itaque credibile est eum ad centesimum pertigisse. Et S. Simeon annos 120. habebat, cum martyrio afficeretur. S. Dionysius Areopagita centesimum superabat annum: S. Iacobus minor 96. ieiuniis & orationibus assidue vacans, carne & vino semper abstinens.

- 37 Deinde non solis Sanctis id concessum, sed etiam aliis. Nam apud Indos diutissime viuunt Brachmanes ob victus frugalitatem: apud Turcas religiosi Mahometicæ superstitionis, qui abstinentiæ & austeritati plurimum dediti. Scribit Iosephus lib. 2. de bello Iudaico cap. 7. *Essenos longissima esse vita, ita ut plurimi eorum usque centenariam perueniant ætatem, propter simplicitatem victus, & vitam benè ordinatam: solum enim panem & vnum pulmentum singulis apponi.* Democritus & Hippocrates vitam produxere

duxere ad annos 105. Plato superauit 80.

Denique quando Scriptura Eccli. 37. ait:

*Qui abstiens est, adiciet vitam*, generatim

loquitur de omnibus, qui abstinentiam ser-

uant, non de solis Sanctis. Fateor tamen, im-

prios, & maximè homicidas ac blasphemos,

plerumque non diu viuere (etiā si in victu

temperati sint) diuina ultione eos persequē-

te. Hi tamen non morbo ex humorum cor-

ruptione, sed vi extrinsecus illata pereunt.

Similiter qui impensè libidini sunt addicti,

non possunt vitæ esse diuturnæ: quia nihil

æquè spiritus & optimū naturæ succum ex-

haurit, nihil naturam sic debilitat & frangit.

Dices, multos ad extremam senectam 38

peruenire, qui non seruant illam sobriam

diætā, sed gulæ laxant habenas prout oc-

casio se offert, quotidie pænè ad satietatem

cibo potuque se farcientes. Respondeo, hu-

iusmodi esse raros, & rari roboris ac tempe-

ramenti. Nam pleriq. qui voraces sunt, ante

tempus extinguuntur. Quod si robusti illi

& ἀνδροι cōgruam moderationem adhibe-

rent, multò diutius & salubrius viuerent, &

longè plura ingenio suo & doctrina effice-

rent. Necesse enim est, eos qui non frugali-

ter viuunt, multis prauis humoribus imple-

ri, & sæpè morbis tentari; nec posse sine de-

trimento valetudinis arduis mentis functio-

nibus

CVR HO-  
MICIDAE  
ET BLA-  
SPHEMI  
NON SINT  
LONGAE-  
VI.

LIBIDI-  
NOSI.



nibus diu intendere: tum quia in illis tota vis naturæ & spirituum concoctioni & digestionibus ciborum mancipata est, à qua si violentè per speculationem abstrahatur, necessariò maligna erit concoctio, & multæ nascentur cruditates: tum quia caput impletur vaporibus, qui mentem obnubilant, & dolorem, si acrius ingenio cõtendas, adferunt. Denique opus illis est crebra corporis exercitatione, vel medicamentis quibus corpus vacuetur: itaque etiam si diu videantur vivere corpore; tamen animo & ingenio parum viuunt, cùm exiguo tempore ad functiones animi sint idonei, & maior pars temporis debeat impendi obsequio corporis. Quod quid aliud est, quàm animum suæ carnis, hoc est sui mancipij, facere mancipium? Talis vita non decet hominem, præsertim Christianum, cuius omne bonum spiritale est, & functionibus mentis ac corporis, sensuumque mortificatione comparatur.

- 39 His adde, eos qui debilioris sunt naturæ, si temperatè viuant, multò esse securiores de sua valetudine & vitæ productione, quàm sint robustissimi quique inordinatè viuentes. Illi enim sciunt se non habere noxios succos in corpore, vel non ea copia ut morbum possint creare: illi verò necessariò plurimis huiusmodi succis aliquot anno-

rum tractu replentur; qui sensim magis ac magis putrescentes, leui occasione in morbum grauem & sæpè letalem euadunt. Testatur Aristoteles in problematibus, fuisse suo tempore quemdam Philosophum, Herodicum nomine, qui etsi omnium iudicio debilissimæ esset naturæ, & tæbe laboraret, tamen arte ἡ διαίτην (quæ victus rationem præscribit) ad centesimum annum perueniret. meminit eiusdem Plato lib. 3. de Repub. Galenus lib. de marasmo, & lib. de tuenda sanitate refert, extitisse suo tempore quemdam Philosophum, qui librum ediderat, quo docebat qua ratione posset quis penitus expers senij conseruari. Meritò quidem id tamquam vanum reprehendit Galenus; tamen artem non fuisse omnino vanam, & valuisse ad vitam producendam, ipse Philosophus suo exemplo ostendit. Cum enim ad octogesimum annum peruenisset, & adeò esset exhaustus, vt nihil ei præter ossa & cutem restare videretur, arte tamen & moderatione victus singulari effecit, vt non nisi lentissima tæbe confectus tandem occumberet. Idem Galenus lib. 5. de tuenda sanitate ait: *Arte illa quæ dietam præscribit, eos qui ab ipso ortu imbecillū corpus non sunt sortiti, sensibus illesi, & ab omni morbo & dolore alienos, ad summam senectutem peruenire.*

nire. Deinde addit de seipso: *Ego verò tam-  
etsi nec salubrem corporis statum ab ipso ortu  
sum nactus, nec vitam planè liberam egerim,  
hac tamen ipsa arte usus, post 28. etatis an-  
num, ne minimo quidem laboravi morbo, nisi  
fortè diaria febris ob lassitudinem aliquando  
contracta.*

40

ABSQUE  
DOLORI-  
BUS MO-  
RI.

Neque solùm ad extremam senectutem  
morborum & dolorum expertes perueniunt  
sobrietatis cultores, sed etiam in ipsa morte  
doloribus non affliguntur: quia non vi illa-  
ta naturæ, sed simplici resolutione, humi-  
diq̃ue radicalis cōsumptione vinculum ani-  
mæ & corporis dissolvitur: sicut lampas  
sponte sua absque strepitu extinguitur oleo  
consumpto. Sicut enim lampas ardens tri-  
bus modis potest extinguī, 1. vi extrinsecus  
illata, vt cū flatu vehementi extinguitur;  
2. affusa multa aqua, qua olei bonus liquor  
opprimitur vel corrumpitur; 3. solius olei  
consumptione: ita etiam vita humana (quæ  
instar lampadis ardentis) tribus modis ex-  
tingui solet. 1. vi externa, v. g. gladio, igne,  
suffocatione; 2. humorum noxiorum abun-  
dantia, vel qualitate maligna, qua humi-  
dum radicale opprimitur, vel destruitur;  
3. cū ipsum humidum à calore naturali  
longo temporis tractu absumitur, & in au-  
ras diffilatur, quod eo fit modo quo aqua ca-  
lida



lida vel oleum calidum consumitur à calore sibi ab igne impresso. In primo & secundo modo magna fit naturæ turbatio, ac proinde necesse est magnos sentiri dolores, si ea res duret: quia temperamentum vi contraria euertitur, & vinculum naturæ violentè dissoluitur. At in tertio nullus vel exiguus est dolor, quia ab intrinseco temperamentum sensim dissoluitur, & humidum primigenium (in quo maximè vita consistebat) vnà cum calore innato consumitur. Dum enim humidum illud minuitur, simul minuitur calor illi insertus, & consumpto humido, simul extinguitur calor: sicut in lucernis accidit. Hoc modo moriuntur plerique, qui exactam diætæ regulam seruauerunt, nisi fortè vi extrinsecus illata pereant. Cum enim per diætam noxios humores euitent, nihil in se habent quod temperamētum violentè possit destruere, aut calorem naturalem opprimere: ac proinde necesse est vt viuant, donec humidum primigenium vnà cum calore insito sit ita consumptum, vt non sufficiat ad animam in corpore vltiùs retinendam. Simili modo moreretur homo, si calor naturalis (etiam humido saluo) desineret à Deo conseruari: vel si ipsum humidum diuina virtute subitò consumeretur.

Quintum COMMODYM sobriæ diætæ est, 41

E 2

quod

CORPVS  
REDDIT  
AGILE.

68

VERA RATIO

quòd corpus reddat leue, agile, vegetum, & ad omnes suos motus expeditum. Grauiamen enim, naturę oppressio, & tarditas prouenit ex humorum redundantia, qui vias spirituum obstruunt, & iuncturas obsident, nimiumque humectant. Itaque sublata humorum copia per diætam, tollitur causa illius grauaminis & tarditatis, & laxantur vię spirituum. Deinde per eandem diætam fit, vt concoctio sit bona, & probus conficiatur sanguis, ex quo deinde puri & copiosi suppeditantur spiritus, à quibus omnis vigor & agilitas.

42

COMMODO  
DA ANI-  
MI EX SO-  
BRIETA-  
TE.

VIGOREM  
PRAESTAT  
SENSIBVS.

Attulimus commoda quinque, quę sobrietas adfert corpori. Videamus nunc quę præstet animo. Ea similiter ad quinque reuocari possunt.

Primum sit, quòd incolumitatem & vigorem præstet sensibus externis. Sensus enim vidédi in senibus potissimum hebetatur, eò quòd nerui optici humoribus superfluis, aut vaporibus obsideantur. quo fit vt spiritus animalis qui visioni deseruit, vel obscuretur, vel non possit ea copia subministrari, quę ad acutè cernendum est necessaria. Hoc impedimentum tollitur, vel multum minuitur sobrietate victus & potus, & abstinentia ab iis rebus, quę caput fumis implent, qualia sunt pingua omnia, & maxime buty-

butyrum copiosè assumptum, vina potentia, cereuisia crassa, vel herbis caput tentantibus medicata.

Sensus audiendi impeditur humoris su- 43  
peruacanei & crudi ex cerebro defluxu in organum auditus, vel in neruum qui ei deseruit. hac enim ratione fit, vt homo ex ea parte, in quam defluxio incùbit, sit surdus, vel grauiter audiat. Talis defluxio facilè acetetur & præuenitur sobrietate victus. Et postquam accidit, sicut medicamenti potest tolli ( nisi fortè sit inueterata, & sedem fixerit ) ita etiam per diætam; præsertim si topica quædam simul adhibeantur.

Sensus gustandi potissimùm vitiatur pra- 44  
uis humoribus organum ipsius imbuentibus; vt si biliosi humores, vel acidi, vel salsi linguam faucesque occupent ( siue isti veniant ex capite, siue ex stomacho, cuius interior tunica cum illis organis continuatur ) omnia videbuntur amara, acida, vel salsa. Hoc vitium tollitur congruenti diætâ, quæ etiam fit, vt communes cibi & panis siccus meliùs sapiant homini moderato, & plus ei voluptatis afferant, quàm gulæ dedito pretiosi & exquisitè conditi. Sublatis enim vitiosis succis, qui stomachum & organum gustus inficiebant, & αἰσθητικὸν vel fastidium inducebant, redit appetitus, & sincerus ci-



borum sensus, ac naturalis voluptas. Simili modo conseruat sensum odorandi & tangendi.

- 45 Fateor tamen, longa tandem senectute vigorem sensuum, præsertim oculorum & aurium, multum hebetari, ac ferè extingui. quia temperamentum organorum, vti & reliquarum partium, paulatim dissoluitur, consumpto sensim humore radicali, & calore innato: quo fit vt & temperamentum euadat siccius quàm còueniat sensuum operationi, & omnes meatus ac pori pituita frigida repleantur, quæ omnibus animæ functionibus maxime aduersatur. Sicut enim senes interno corporis temperamento sunt siccissimi & frigidissimi: ita excrementitiis succis humidissimi, adeò vt senium nihil sit aliud quàm frigus & siccitas temperamenti, ex consumptione humidi radicalis, & caloris innati proueniens, quibus necessariò pituitæ frigidæ copia toto corpore est coniuncta.

MITIGAT  
PASSIO-  
NES.

- 46 Alterum COMMODOVM, quod diæta sobria confert animæ, est, quòd valdè minuat ac mitiget affectus seu passionēs, præsertim iræ & melancholiæ, tollens in his excessum & inordinatum impetum. Idem facit circa affectum delectabilium gustus & tactus: vt meritò etiam ob hunc effectum ista ratio  
vitæ

VALETUDINIS CONSERVANDÆ. 71  
vitæ sit magni æstimanda. Turpe enim est  
esse iræ impotentem, esse subjectum melan-  
choliæ, & tristissimis phantasiæ curis: esse  
mancipium gulæ & ventris, cæcoq; impetu  
in esculenta & venerea effundi. Neque so-  
lùm turpe, & virtuti aduersum, sed etiam  
valetudini noxium, & apud honestos pro-  
brosum. Hisce malis sobrietas facili negotio  
medetur, partim subtractis, partim correctis  
humoribus, qui illorum causa. Quòd enim  
humores sint causa talium passionum, apud  
Medicos & Philosophos est notissimum, &  
constat experienciâ.

Videmus enim, eos qui biliosis humori- 47  
bus abundant, esse iracundos & præcipientes:  
qui melancholicis, cõtinuo mœrore ac me-  
tu confici: si humores isti in cerebro inflam-  
mentur, phrenitidem & maniam procrea-  
re; si acidus humor stomachi tunicis sit im-  
pactus, assiduam famem & voracitatem: si  
feruidi sanguinis in corpore sit copia, incita-  
re ad libidinem, præsertim si materia aliqua  
flatulenta sit coniuncta. Ratio est, quia af-  
fectus animi sequuntur apprehensionē phan-  
tasiæ, vt ex philosophia notum est: phanta-  
siæ autem apprehensio est conformis dispo-  
sitioni corporis, & humoribus qui in corpo-  
re dominantur. Hinc biliosi somniant ignes,  
incendia, bella, cædes: melancholici, te-  
nebras,

nebras, funera, sepulchra, spectra, fugas, foueas, & tristia omnia: pituitosi pluuias, lacus, flumina, inundationes, submerſiones, naufragia: sanguinei, volatus, cursus, conuiuia, cantus, amores. Somnia verò nihil aliud ſunt quàm phantaſiæ apprehenſiones, ceteris ſenſibus ſopitis. Vnde ſicut in ſomnis, ita etiam in vigiliâ phantaſia pleraque apprehendit conſentaneè humori & qualitati præuolenti, præſertim primo obiecti ap- pulſu, priuſquam à ratione corrigatur & dirigatur. Itaque exceſſus iſtorum humorum peruertit naturalem phantaſiæ ſtatum & apprehenſionē. Bilis enim, quia amariffima, & naturæ maximè aduerſa, facit vt phantaſia dictum factumve alterius, vel quidlibet aliud quod diſplicet, apprehendat vt ſibi aduerſum, inimicum, iniurioſum; & quia humor ardens eſt & impetuoſus, facit vt apprehenſio ſit velox & vehemens, incitetq; ad celerem mali repulſionem & vindictam. Humor melancholicus eſt grauis, frigidus, ſiccus, torpidus, acidus, atro colore, & cordi valdè infeſtus. Itaque facit vt phantaſia apprehendat omnia tamquam infeſta, inimica, triſtia, tenebroſa. Ratione autem frigoris & grauitatis ſit vt nō incitet ad mali repulſionem, ſicut bilis quæ leuis eſt, ſed in- iicit metum, fugam, cunctationem. Pituita  
frigi-

frigida  
ſio ad o  
gore, a  
cit vt  
audax  
libet i  
vocif  
nera  
ea q  
plen  
te, &  
pu  
tab  
br  
iu  
ſi  
v  
h  
v



frigida est & humida: vnde fit vt apprehensio ad omnia sit tarda, languida, absque vigore, acrimonia, alacritate. Itaque bilis facit vt homo sit iracundus, præceps, velox, audax, vehemens, rixosus, morosus; ad quidlibet indignetur, iuret, maledicat, clamet, vociferetur. Hinc tot iniuriæ, pugnæ, vulnera, cædes in genere humano. Nam etiam ea quæ in ebrietate patrantur, ex furore bilis plerumque proueniunt, vino bilem augente, & accendente. Melancholia facit tristes, pusillanimes, meticulosos, solitarios, cogitabundos, desperabundos. Et sicut bilis ad breue tempus, dum feruet, rectum mentis iudiciu peruertit; ita melancholia ferè assidue, maximè ea quæ cerebrum occupat, vel tetros vapores sursum ad cor & caput ex hypochondriis emittit. Pituita efficit lentos, languidos, somniculosos, meticulosos, obliuiosos; denique ad omnia præclara inutilis. Etsi enim humor iste non ita sit corpori infestus, sicut bilis & melancholia; est tamen maximè aduersus functionibus animæ: quia frigore suo vigorem spirituum hebetat, & humiditate cerebrum, & meatus spirituum nimium humectat.

Omnibus hisce malis magna ex parte 48  
medicinam facit sobria diæta. Hac enim  
adhibita, sensum minuuntur prauis humo-

res, natura eos consumente vel expellente, adhibitis præsertim quibusdam adminiculis à medicamentis purgantibus. Deinde corrigitur corporis intemperies, dum purus & temperatus sanguis subministratur, qui nullis cruditatibus sit permixtus, nullis humoribus superfluis viciatus, nulla qualitate noxia excedens. Hinc eos, qui sobrietate consueverunt, videmus placidos, affabiles, benignos, lætos, tractabiles, & in omnibus moderatos. Benignus enim succus naturæ, affectus & mores facit benignos: & malignus succus (qualis est bilis & melancholia, si quantitate vel qualitate excedat) facit affectus & mores malignos & efferratos. Vbi id quoque dignum consideratione, prauos humores non solum excitare passiones, iisq; dare initiū, sed vicissim per quamdam sympathiam ab ipsis passionibus accendi & roborari, & accensos roboratosque efficere ut ipsa quoque passio augeatur & confirmetur. Patet hoc in humore bilioso, qui cum abundat, mediante apprehensione phantasie quam vitiauit, excitat passionem iræ: iræ commotio per quamdam sympathiam accendit spiritus & humorem biliosum; humor biliosus iam accensus efficit ut phantasia fortius & vehementius rem apprehendat, & maior videatur iniuria quàm antea:

&amp;

VAL  
& sic in  
roborat  
eatur  
pore  
salub  
abin  
fide  
pori  
cho  
ro  
mo  
di  
qu  
fia  
no  
ge  
sp

Co  
r  
v  
r

& sic ipsa quoque iræ commotio augetur & roboratur. Hinc fit vt interdum ex ira transeat in furorem, si phantasia multo tempore in imaginatione iniuriæ persistat. vnde saluberrimum consilium est, cogitationem ab iniuriis acceptis auertere; quia earum consideratio non solum animo, sed etiam corpori est noxia. Simili modo humor melancholicus, mediante phantasia, excitat mœrorem, nulla alia causa mœroris suppetente: mœror per quamdam sympathiam concludit cor, & impedit liberam eius diastolem: quo fit vt humor melancholicus aduratur, fiatque malignior, eò quòd tetræ fuligines non possint dissipari: factus malignior, auget mœroris affectum, & sæpè adigit ad desperationem, funestaque consilia.

Tertium COMMODVM animæ ex diætâ 49  
sobria proueniens, est incolumitas memo- MEMO-  
riæ. Hæc enim maximè lædi solet ab humo- RIAM  
re frigido cerebrum occupante, qui potissi- CONSER-  
mum intemperantibus & senibus est infe- VAT.  
stus. Hic enim humor & vias spirituum angustiores obstruit, & spiritus ipsos refrigerat & torpidos reddit: quo fit vt apprehensiones sint lentæ, languidæ, & fluxæ, & sæpè in media narratione hominem ita deficiant, vt nesciat quid dixerit, aut qua de re locutus fuerit, rogetque socios, Quid tractaba-



Et abamus? Potest autem id fieri tripliciter.  
 Primò, ex eo quòd spiritus animalis, quo  
 phantasia in recordàdo, & in omni actu suo  
 utitur, ab humore pituitoso in transcurso ra-  
 ptim intercipiatur: quo intercepto cessat rei  
 apprehensio, & consequenter omnis recor-  
 datio. Secundò, ex eo quòd apprehensio  
 fuit languida, & absque reflexione, idque ob  
 spirituum inopiam vel ineptitudinem: ap-  
 prehensio autem rei facta absque reflexione,  
 non potest relinquere sui vestigium, quod  
 ad recordationē sit sufficiens. Omnis enim  
 recordatio immediatè versatur circa actus  
 nostros, & solùm mediatè circa actuum il-  
 lorum obiecta. Non enim recordor pro-  
 priè Petrum esse mortuum, sed me vidisse,  
 vel audiuisse, vel legisse, &c. esse mortuum.  
 Itaque vbi nulla est reflexio super actus no-  
 stros, nullū potest relinqui vestigium ad me-  
 moriam sufficiens. Tertiò, ex sola spirituum  
 ineptitudine. quia etsi vestigium sit aliquo  
 modo sufficiens ex parte sua, tamen sæpissi-  
 mè fit, vt inopia, vel impuritate, vel torpo-  
 re, vel nimio feruore spirituum non possi-  
 mus eo vestigio congruenter ad recordatio-  
 nem uti. Hac ratione interdum accidit, vt  
 quis omnē pænē memoriam perdat, & om-  
 nium disciplinarum obliuiscatur; vt cū  
 pituitæ frigida copia meatus angustiores  
 cerebri

cerebri obstruit, & spiritus torpidos reddit, totamq; cerebri substantiam nimum humectat & refrigerat.

Totum hoc malum mirificè vel arcetur, 50 vel curatur sobria & congruenti victus ratione: nimirum abstinendo à potu calido & fumoso, nisi fortè exigua sit quantitas. Etsi enim vinum sit calidum, tamen crebrò & magna copia haustum, frigidos morbos parit: nimirum destillationes, tusses, coryzas, apoplexiam, paralyfim. Ratio est, quia caput vaporibus implet, qui ibidem refrigerati, in frigidam pituitam, quæ istorum malorum causa est, densantur. Neque tantum à potu calido & fumoso, sed etiam à copia omnis humidi abstinendum, & quantum fieri potest, sicca diætâ vtendum. Hac enim fit vt superflua humiditas vel non gignatur, vel genita consumatur, & consequenter vt obstructions, quæ ab ea proueniebant, tollantur, & viæ spirituum laxentur, & ipsi spiritus extenuentur, debitumq; statum consequantur, & cerebro natiuum redeat temperamentum, fiatque vnà cum spiritu idoneum, vt phantasie & memoriæ deseruiat.

Quartum COMMODVM est vigor ingenij si in excogitando, ratiocinando, inuenien-  
do, iudicando; & aptitudo ad diuinas illu-  
stratio-

VIGOREM  
INGENII  
TYETVR.

strationes suscipiendas. Hinc fit vt homines abstinentiæ dediti sint vigilantes, circumspecti, prouidi, boni consilij, recti iudicij. Si de disciplinis agatur, facile excellunt in iis, quibus animum applicuerint. Si de oratione, meditatione, contemplatione; magna facilitate, voluptate, & gustu spiritali ea ob-  
eunt. Ostendunt id suo exemplo antiqui Patres & Eremitæ, qui cū essent abstinentissimi, semper mente vigeant, & totas noctes in oratione, rerumque diuinarum commentatione traducebant, tanto animi solatio, vt in paradiso versari sibi viderentur, & temporis fluxum non perciperent. Hac ratione ad summam sanctitatem & familiaritatem Dei peruenerunt, & dono prophetiæ ac miraculorum ornati sunt, & toti mundo admirabiles extitere. Cū enim perpetuū mentem sursum erectam, Deoq; intentam tenerent, digni habiti fuere, ad quos Deus vicissim se inclinaret, eos eximie illustrādo, (iuxta illud Psal. 33. *Accedite ad eum, & illuminamini*) suorumque secretorum faciendo participes, & operum mirabilium administratos: nimirum vt mundus hinc intelligeret, quantopere vita illorum Deo placeret, & ad eorum imitationem ac venerationem excitarentur.

52 Sunt etiam hoc tempore plurimi, qui eadem



dem abſtinentiæ via ad ſapientiæ & virtutum Chriſtianarum culmen nituntur: è quibus aliqui ſcriptorum ſuorum multitudine & eximia eruditione omnibus ſunt admirationi. Nemo abſque ſobrietatis præſidio ſimile quid præſtare poterit: quòd ſi obſtinatè conetur, ſe ipſe ante tempus conficiet. nemo ſine huius virtutis ope paſſiones ſuas frænare, animi tranquillitatem obtinere, mentis functiones circa res diuinas facili modo, & cum voluptate obire, ad inſignem ſanctitatis gradum pertingere. Horum omnium veluti baſis & fundamentum eſt ſobrietas, vt docet Caſſianus lib 5. qui eſt de Gaſtrimargia, cap. 14. & 17. Vnde Sancti omnes, qui ceſſam perfectionis Euangelicæ turrim ædificare voluerunt, ab hac, tamquam fundamento totius ædificij ſpiritualis, inceperunt.

Nec obſtat, quòd fides ceterarum omnium virtutum, & conſequenter totius ſtructuræ ſpiritualis, dicatur fundamentum: quia fides eſt quidem intrinſecum & primarium fundamentum, cui directè ceteræ virtutes innituntur; ſed abſtinentia eſt fundamentum extrinſecum, ſecundarium, & ſubſeruiens: quatenus nimirum remouet ea quæ vſum fidei & functionem potentiæ intellectiue vel impediunt, vel difficilem, inamœnam,

nam, & laboriosam reddunt; & simul ea sup-  
peditat adminicula, quibus functiones illius  
potentiæ reddantur illustres, faciles & dele-  
ctabiles. Omnis enim profectus spiritualis  
pendet ex usu intellectus, & fidei quæ in in-  
tellectu residet. Non enim possumus amare  
aliquod bonum, aut in eius amore profice-  
re; nec odisse malum, aut in eius odio cre-  
scere, nisi illud ab intellectu ad mouendum  
affectum nobis proponatur. Vnde qui ita  
diuino munere comparatus est, vt cælestia  
& diuina semper eius menti obuersionentur,  
(sicut accidit Apostolis, & multis Apostoli-  
cis viris) is facili negotio terrena omnia con-  
temnet, & ad sublimem sanctitatis & meri-  
torum gradum conscendet; ac proinde in  
cælo illustrem gloriæ coronam obtinebit.  
Voluntas enim facili se conformat iudicio  
intellectus, quando res ei non raptim, sed  
continuè & acriter ab intellectu proponitur.  
Ex quibus patet, ea quæ mentis functiones  
impediunt, obscurant, vel difficiles & labo-  
riosas reddunt, plerumque in causa esse, cur  
neque in disciplinis, neque in pietatis offi-  
ciis, neque in sanctitate vitæ, ad insignem  
perfectionis gradum perueniatur: quæ ve-  
rò functiones intellectus reddunt faciles, ex-  
peditos, illustres, delectabiles, præstare ho-  
minem idoneum, qui facili negotio & cum  
volu-

VALETUDINIS CONSERVANDÆ. 81  
voluptate rebus spiritualibus intendat, & ad  
excellentem sapientiæ sanctitatisque men-  
suram pertingat.

Itaque cū sobrietas hanc vim habeat, vt 54  
tollat ea quæ mentis considerationem vel  
impediunt, vel difficilem & inanimatā red-  
dunt, & suppeditet ea quæ facilem & iucun-  
dam efficiunt, meritò fundamentum secun-  
darium sapientiæ & profectus spiritualis di-  
cēda est. Qua autem ratione id faciat, patet  
ex dictis suprā. Quæ enim speculationem  
impediunt ac difficilem reddunt, sunt ista:  
nimia cerebri humiditas, vaporum & fuli-  
ginum abundantia, meatuum cerebri ob-  
structio, nimia sanguinis copia, spirituum  
feruor à sanguine vel bile proueniens, vapo-  
res biliosi vel melancholiæ adustæ caput  
petentes, humor biliosus vel melancholi-  
cus cerebrum occupans. Hæc omnia impe-  
dimenta si nondum adsint, ea præcauentur  
sobria diæta, vt non irrepant: si autem ad-  
sint, sensim vincuntur & emendantur, adhi-  
bita simul, si necesse sit, quorundam phar-  
macorum ope, maximè initio; nisi fortè  
malum sit inueteratum & incurabile: vt in-  
terdum in melancholia & pituita cere-  
brum per protopathiam occupante, per  
quam amentia stabili inducitur, accidit.  
Neque solū tollit impedimenta specula-  
F tionis



tionis, sed etiam suggerit adminicula speculari; nimirum probum sanguinem, & consequenter puros & benè temperatos spiritus, & congruū cerebro temperamentum. Nam & ipsum temperamentum cerebri, quod per intemperantiam factum est nimis vel humidum, vel frigidum, vel siccum, vel calidū, per diætā sensim emendatur, & ad mediocritatem reducitur.

55 **QUANTI  
HIC FRU-  
CTVS SIT  
MOMEN-  
TI.** Fructus hic sobrietatis maximi æstimādus est. Quid enim optabilius homini Christiano, & præsertim religioso, quàm in longa senectute uti mente sana, alacri, expedita, & vegeta ad omnes suas functiones? Nam præterquam quòd hoc per se valdè iucundum sit, maximum nobis bonum spiritale, si velimus, adducit. Tunc enim post longam experientiam præcedētis ætatis, mundi vanitas clariùs cognoscitur, & animo vilescit: tunc cælestia nobis magis sapere, & terrena contemni incipiunt: tunc futura quæ impendent assidue versantur ob oculos, ut dignè ad ea nos comparemus: tunc omnis ea notitia & experiētia, quam ab ineunte ætate vsq; ad illud tempus comparauimus, nobis est adminiculo, eiusque suaues fructus carpiamus. Tunc sedatis animi affectibus & turbellis, cum magna voluptate & facilitate incumbere possumus orationi, meditationi rerum

rerum diuinarum, lectioni sacræ Scripturæ, & sanctorum Patrum, & assidue aliquid pijs animo voluere, aliquam diuini eloquij sententiam (more sanctorum Patrum) ruminare; preces canonicas insigni attentione persolvere, sacrificium Missæ magna reuerentia & deuotione offerre. Mirum dictu est, quanta in omnibus istis mentis officiis sobriæ senectuti sit facilitas, quanta voluptas, quanta animi consolatio, & consequenter, quantum meriti & præmij possint hinc sibi comparare.

Hæc potissimum causa me impulit ad hunc tractatum scribendum, nimirum ut hominibus pijs, & præsertim religiosis, tantum bonum commendarem, quod & ipsi diu sani viuere, & Deo cum magna facilitate & gaudio seruire, & animum suum diuinis inspirationibus & illustrationibus suscipiendis aptare, & maximos bonorum operum thesauros sibi congregare possint. Parui quidem facienda, parumque utilis est longa vita, si sæculo potius quam Deo seruit, si auaritiæ vel ambitioni, vel voluptati dedita: verum si Deo tota est mancipata, virtutisque officiis addicta, maximi est pendenda, & utilissima. Itaq. etsi sobrietas eam vim habeat, ut omnibus, non solum qui pietati, sed etiam sæculo dediti, corpus sanum & mentem ve-

getam præstet ; tamen illis potissimum est sectanda, qui pietatem colunt, & Deo quàm maxime placere student: quia his maximam voluptatem etiam in hac vita, & postea copiosissimum in æternitate fructum adfert.

57

STIMVLOS  
CARNIS  
MITIGAT.

Quintum COMMODO est, quòd libidinis impetum extinguat, & tentationes carnis mirificè sedet, & magnam carni ac spiritui tranquillitatem conciliet. Rectè dixit quidam: *Sine Cerere & Baccho friget Venus*. Hoc remedio aduersus istud malum vñ sunt omnes quotquot sanctitate illustres fuere. sanè, post gratiam diuinam nullum est efficacius: quia sobrietas & materiam, & causam impulsuam, & causam excitantem subtrahit. *Materiam* voco copiam spermatis, *causam impulsuam*, copiam spiritus animalis, quo sperma expellitur: *causam excitantem*, imaginationem rerum venerearum. Hæc imaginatio excitat primum concupiscentiæ passionem: hæc statim commouit spiritus ad expulsionem; hi commoti vrguntur, & nisi voluntas cohibeat, perficiunt. Virescit hunc impetum, præcipuū certamen iuuenis Christiani, præsertim florenti ætate, & natura adhuc robusta.

58

Sobrietas materiam & causam impulsuam subtrahit: quia si adsit copia spermatis, facit vt sensim minuatur tum quantitas



tum calore. Similiter minuit copiam & feruorem spirituum, abstinendo à calidis & flatulentis cibis; à vini & cereuisiæ potentis usu, saltem quamdiu opus est, vt ad mediocritatem deueniatur. Imminuto autem & temperato spermate ac spiritibus, sponte cessant libidinosæ imaginationes; vel si occurrant, faciliè excutiuntur ( nisi fortè Dei permissu à diabolo suggerantur: ) quia oriuntur per quamdam sympathiam ex dispositione corporis; nimirum ex copia seminis & spirituum, sicut imaginationes alię, quæ humoris dominantis conditionem sequuntur, vt supra ostensum. Cuius signum est, quòd sobrietatis cultores ab huiusmodi imaginationibus & tentationibus plerumque sint liberi, & rarò admodum illis vexentur. Quòd si causarum illarum copia non adsit, faciliè sobrietas præcauet ne nascatur; dum facit vt non comedas aut bibas ampliùs quàm sustentatio corporis postulat. Non enim quantitatem eorum quæ assumit, metitur appetitu, qui maximè fallax; sed ratione, quæ spectat quid & quantum corpori conseruando, & functionibus animi congruat.

Cur verò appetitus fallax sit, causa est duplex. Prima est, quia nò solùm appetit quantum necessarium conseruando corpori, sed etiam quantum seruire potest procreationi.

Ad vtrumque enim finem insitus homini & ceteris animantibus esculenti & potulenti appetitus; nimirum ad conseruationem indiuidui, & ad propagationem speciei. Itaque ratio dicat iis qui castè viuere & incitamenti libidinis carere volunt, non esse obsequendum appetitui, sed diuidia solum e parte ei satisfaciendum: nimirum quatenus appetit necessaria corporis sustentationem, quod si fiat, nulla erit seminis copia, nulli vel exigui libidinis stimuli. semen enim est superfluum alimenti; nimirum quod corpori alendo non erat necessarium. Vbi ergo non plus alimenti sumitur quàm alendo corpori sit opus, ibi vel nihil, vel parum est superflui, quod in semen dispensetur.

60 Altera causa cur appetitus sit fallax, est quia sæpè longè plus appetit quàm vtriq; fini (nempe sustentationi proprii corporis & propagationi naturæ) conueniat: id quod ob stomachi prauam dispositionem, ut in fame canina, boulimia, & cum humore melancholicus tunicis stomachi impactis, vel ob ciborum mangonia & condimentorum qui sua varietate, & nouo sapore afficiunt orexin & gulam prouocant. Quam ob causam talis varietas & exquisita epularum structio omnibus sobrietatis & castitatis cultoribus, imò omnibus qui suæ valetudinis

VALETUDINIS CONSERVANDÆ. 87  
nis curam habent maximè vitanda, vt pas-  
sim Medici tradunt. Qua de re suprà dixi-  
mus.

Ex quibus perspicuum est, in sobrietate &  
abstinentia ad libidinem domandam longè  
maiores esse vim, quàm in aliis corporis  
afflictationibus, ciliciis, disciplinis, chameu-  
nia, labore manuum. Hæc enim exterius  
tantum corpus affligunt, & cutem perstrin-  
gunt; causam verò mali, quæ interiorè later,  
non attingunt. Abstinentia verò causam  
ipsam ex fibris & venis intimis subducit, &  
naturæ temperamentum ad mediocritatem  
reuocat. Itaque hæc omnibus, qui isto malo  
vexantur, consulenda.

Haftenus de sobrietatis commodis & 61  
fructibus: quæ omnia possent sanctorum Pa-  
trum testimoniis confirmari, sed ea breuita-  
tis causa prætermitto, vnius D. Chrysostomi  
sententia contentus. Is Homil. 1. de ieiunio  
ita scribit: *Ieiunium, Angelorum imitatio est  
pro nostra virili, cōtemptus præsentium, scho-  
la precum, alimonia animæ, frenum oris, miti-  
gatio concupiscentiæ, vt probe norunt qui ie-  
iunant: mollit furorem, campefcit iram, sedat  
fluctus naturæ, excitat rationem, claram red-  
dit mentem, alleuiat carnem, fugat nocturnas  
fæditates, capitis dolores tollit, claros adfert  
& colores & aspectus. Ieiunis gestus compositi,*  
E 4 expe-



*expedita lingua, recta cogitatio, &c.* Vide eundem Homil. 1. in Genesim. Similia multa legere est apud Basilium oratione de ieiunio; Ambrosium lib. de Elia & ieiunio Cyprianum orat. de ieiunio, & alios.

62 *AN SIT MOLESTA.* Dicit aliquis molestam esse istam dietam parsimoniam, ut quæ hominē perpetua fame torqueat; ac proinde satius esse citò mori, quàm adeò dūro remedio miserā vitam trahere; iuxta dictum cuiusdam, cui cū crucus esset secandum, recusavit, inquit: *Non est tanto digna dolore salus.*

Respondeo Primò, Initio quidem est nonnihil molestam, ob contrariam consuetudinem, & stomachi distentionem; verum sensim ea molestia tollitur. Non enim repentē à magna quātitate ad exiguam transiendum, sed sensim singulis diebus aliquod detrahendo, donec ad iustam mensuram deveniunt: ut sæpè Hippocrates docet. Sensim enim absque molestia stomachus contrahitur, & aviditas, quæ antè sentiebatur, tollitur. Stomacho autem ad iustum debitum modum contracto, nulla amplius est molestia in sobria dieta: quia exigua quantitas eius capacitati & viribus aptè spōdet. Cuius signum est, quòd initio Quinquagesimæ abstinere à ientaculo, plerisque aliter consuevere, sit graue; sed sensim

89  
VALETUDINIS CONSERVANDÆ.  
vsu difficultas illa tollitur: & tantum com-  
modi ex abstinencia multi sentiunt, vt per-  
petuò abstinere ientaculo cupiant. Idem  
multi experiuntur in carenda cœna. Simili  
modo cum quis non nihil assuevit, non est  
molestum abstinere à quibusdam cibis mi-  
nus salubribus, etiam si gula prius eos valdè  
affectaret. Itaque falsum est quod obijcitur,  
sobriam dietam perpetua fame hominem  
torquere.

Respondeo Secundò: Esto, aliquid mole-  
stia in tali diætâ multo tempore sentiatur  
(quod tamen non est ita) sed cogitandū est,  
exiguam illam molestiam maximis com-  
modis & fructibus compensari. Sobria enim  
diætâ morbos pellit, corpus agile, sanum,  
purum, à foetore ac foeditate alienum præ-  
stat, longævitatē adducit, somnos quietos  
& placidos inducit: epulas communes sua-  
ves & iucundas efficit; sensibus incolumita-  
tē, memoriæ vigorem, ingenio perspicua-  
ciam, claritatem, & ad divinas illustraciones  
excipiendas aptitudinem confert; passiones  
sedat, iracundiam & mœrorē pellit, libidi-  
nis impetum frangit. Denique corpus &  
animam maximis bonis replet: vt meriti-  
m mater sanitatis, hilaritatis, sapientiæ, & om-  
nium virtutum dici possit.

E contrario vita inordinata exiguum il-  
lam

INCOM-  
MODA VI-  
TAE IN-  
TEMPE-  
RATAE.

lam & breuem voluptatem quam gulæ ad-  
fert, innumeris compensat incommodis.  
Nam & ventrem suo pondere grauat, sani-  
tatem perdit, morbos plurimos introducit,  
corpus scædum, olidum, sordidum, mucosum &  
excrementis plenum reddit, libidinem ac-  
cendit, passionibus animam subijcit, sensus  
obtundit, memoriam debilitat, ingenium  
& iudicium obscurat; denique mentem ad  
omnes suas functiones, ad disciplinas, ad  
orationem & meditationem, ad sublimia &  
salutaria omnia hebetat & ineptiorem red-  
dit. quo fit vt & in pulcherrimarum rerum  
scientia, & in vitæ sanctitate, & in meritis  
bonorum operum minor sit profectus. A  
quale & quantum bonum est, cuius causa  
hæc omnia mala sustinentur? Breuis & mo-  
mentanea gulæ voluptas; quæ tunc solu-  
sentitur, cum cibus manditur, & in ven-  
trem traicitur; quæque & per se vilis est, vi-  
de pote nobis cum bestiis communis, & ex  
quam corporis partem afficit, nempe li-  
nguam, palatum & fauces. Huius causa om-  
nia ista sustinentur, tantaque mala tolera-  
tur. Huius appetitio est ratio totius difficul-  
tatis, quæ in sobrietate sentitur. Si enim nu-  
lla esset in sumendo cibo & potu voluptas,  
nulla esset in abstinendo difficultas. Nil  
aliud boni habet intemperantia præter

le



lem illam & momentaneam gulæ oblectationem. Quàm miserum est & homine indignum, se reddere huius mancipium, eiusq; causa tanta incommoda & dispendia sustinere! Quantum absinthij & fellis pro illa modica dulcedine refunditur!

Hæc diligenter consideranda & perpendenda viris prudentibus, maximè ecclesiasticis, & Deo dicatis, quorum professio est functionibus mentis vacare, & rebus diuinis intendere. Si enim ista accuratè expendamus, fieri nequit, quin sobrietas nobis sit placitura, & facilis ac iucunda futura; intemperantia verò horrore & detestationi. Pudebit nos nostræ mollietiei, pudebit tantæ vilitatis & imbecillitatis animi, quòd gulæ obsequiis ita simus subiecti, quòd duro eius imperio adedò seruiliter pareamus, quòd vilissimis & momentaneis eius illecebris non possimus resistere. Quid turpius aut magis dedecorosum, quàm esse mancipium gulæ & ventris? Quid stultius, quàm propter modicam gulæ voluptatem renuntiare omnibus animi & corporis bonis quæ nobis adfert sancta sobrietas; & exponere se omnibus incommodis & malis quæ corpori & animo irrogat intemperantia? Miseram mortalium sortem, quæ tantæ vanitati subiecta est, tantis tenebris occæcata, tantis erroribus

92 VERA RATIO VALETVD. CONSERV.  
roribus obnoxia ! cuius mens in iudicando  
& eligendo , inani specie boni delectabili  
quasi per somnium deluditur.

- 66 Hæc de sobrietate, quatenus medium est  
& instrumentum optimum sanitatis corpo-  
ris, & vigoris mentis in longam senectutem  
conseruandi , & maxima bona vtrique pa-  
ti , tam temporalia quàm spiritualia conser-  
uendi , dicta sufficiant : quæ vt multis salu-  
lutaria sint, Deum enixè rogo. Finem itaq;  
faciam verbis B. Petri omnes ad sobrietatem  
hortando : *Fratres, sobrii estote & vigi-  
late ; quia aduersarius vester diabolus tamquam  
leo rugiens circuit quarens quem deuor-  
et ; cui resistite fortes in fide*. Non enim  
lùm ad carnis tentationes, quibus maxi-  
pars mundi succumbit , vincendas valet  
brietas ; sed simpliciter ad omnes : sicut  
iam ad omnes iuuat virtutes , vt ex iis , c  
suprà deduximus, est perspicuum.

LVDOVICI CORNARI VENETI  
TRACTATVS  
DE  
VITÆ SOBRIÆ  
COMMODIS.



**C**ERTVM est, vsum in homini-  
bus successu temporis verti in <sup>VIS CON-</sup>  
naturam: ita vt illos quodam- <sup>SVETVDI-</sup>  
modò cogat ad ea vsurpanda, <sup>NIS.</sup>  
quibus consueuerunt, siue  
bona ea sint, siue mala. Pari modo in multis  
rebus videmus vsum consuetum habere  
plus virium quàm rationem. Neque id ne-  
gari potest. Imò crebrò cernimus, eum qui  
probus est, consuetudine improbi ex probò  
fieri improbum. Et sicut bona consuetudo  
facile conuertitur in prauam: ita è contrario  
praua subinde reducitur ad bonam. Nam  
is qui ex probò consuetudine prauus factus  
est prauus; is consuetudine viri probi rursus  
redit ad probitatem pristinam. Et hoc to-  
tum procedit ex vi vsus & consuetudinis,  
quæ reuera est magna.

Quæ cum mecum ipse perpenderem, 2  
animaduerti ex vi vsus in nostram Italiam  
non



TRIA MA-  
LA CON-  
SVETVDI-  
NE INVE-  
CTA.

non ita pridem, imò æuo meo, tres male  
mores inuēctos. Primus est, adulatio,  
aulicæ cærimonix. Secundus, viuere iux-  
sensum & doctrinam Lutheranam: quæ  
tio viuendi ab aliquibus immeritò defe-  
ditur consuetudine. Tertius, crapula. Ha-  
tria vitia, vel potiùs crudelia vitæ huma-  
monstra, nostris temporibus sustulerunt  
vita ciuili sinceritatem, ab animo religio-  
nem, & à corpore sanitatem. Quamobrem  
statui tractare de vltimo, & ostendere  
abusum; vt, si fieri possit, tollatur. Quod  
opinionem Lutheranam, & adulationem  
attinet, breui præclarum aliquod ingenium  
laborem sumet ea refutandi, sicque spem  
ante mortem me visurum hos tres abu-  
extinctos, & nostram Italiam antiquis  
sanctis moribus suis restitutam.

3 Vt ergo veniam ad id de quo statui tractare: Dico *crapulam* esse rem perniciosam  
quia vitam sobriam extinxit, & plurimam  
sibi subiecit. Et quamuis omnes norint,  
*pulam* procedere è vitio gulæ, & vitam  
sobriam à virtute temperantix: nihilominus  
*crapula* habetur res liberalis & honorabilis  
vita sobria res sordida & contemptu digna  
Hoc totum procedit ex vi consuetudinis  
quam sensus & appetitus sensualis indu-  
dixerunt, qui ita inescarunt & inebriati sunt  
ho-

CRAPV-  
LAM VO-  
CAT OM-  
NEM IN-  
TEMPE-  
RANTIAM  
ET EXCES-  
SVM NON  
SOLVM IN  
POTV, SED  
ETIAM IN  
CIBO.

homines, ut relicta bona via, se conuerterint ad sectandam prauam, quæ illos latenter conducit ad peregrinas & letiferas infirmitates, & præmaturam senectutem, cum priusquam quadagesimum ætatis annum attingant, pænè sint decrepiti. Oppositum, vita sobria, priusquam esset hinc abacta, præstabat, conseruando homines in prospera valetudine, etiam anno ætatis octuagesimo.

O miseram & infelicem Italiam! non 4  
aduertis *crapulam* quotannis tibi plures eripere personas, quàm posset è medio tollere vel tempus grauissimæ pestis, vel multi armorum conflictus? Quid dicam de tuis  
conuiuuiis verè inhonestis, quæ iam passim  
in usu; quæ aded sunt grandia & intolerabilia, ut mensæ satis capaces fieri nequeant, propter infinitam ciborum multitudinem, qui imponuntur; ita ut opus sit lances alias aliis in cumulum imponere? Quis posset viuere in tantis excessibus, & vitæ humanæ infestis venenis? Per amorem Dei ponatur in istis modus: quia certus sum, Maiestati diuinæ ea maximè displicere. Abigatur ista noua mors: illa nostris maioribus inaudita pestis, ne tanta damna animis corporibusq; inferat. sicut publica auctoritate fiunt provisiones, annonæ salubris: ita & in usu mode-

LXXVS  
CONVI-  
VIORVM.

moderatio præscribatur, quæ valetudini ciuium sit consentanea.

5 Nec desunt crapulæ exterminandæ etiam priuata remedia, quibus quilibet apud se ut poterit, nimirum si viuat secundum naturæ simplicitatem, quæ paucis est contenta teneatque medium sanctæ temperantiæ rationis præscripto, & assuescat non comedere amplius quàm vitæ necessitas postulet certò sibi persuadens, illud amplius infirmitatem esse & mortem. Cogitet voluptatem palati momentaneam, sed noxam quam infert corpori & molestiam diuturnam eamque tandem ipsum corpus vnà cum anima perimere. Vidi ego multos ex me amicis præstantissimi ingenij & nobilis naturæ, florenti ætate abreptos ista peste intemperantiæ, qui si viuerent, essent & mundo ornamento, & multis mortalibus solatio. Itaque ut tantis damnis occurrant posterum, statui hoc breui discursu patecere, *Intemperantiam* esse abusum, qui facile possit tolli, vita sobria in eius locum introducta. Quod eò libentiùs faciam, quod multi iuuenes ingenio præstantes me hoc obstrinxerunt. Cùm enim viderint rentes suos ætate florenti extinctos, & in ætate 81. annorum ad eò sanum & valentem, incescit illis desiderium eòdem perire.



niendi : meque rogarunt, vt modum, quem  
 ea in re tenui, aperirem. Itaque vt illorum  
 honesto desiderio faciam satis, & simul  
 alios multos, qui hoc expendere volent,  
 iuuem : declarabo causas quæ me compule-  
 runt intemperantiam deserere, & vitam  
 sobriam capessere, narrando modum, quem  
 ea in re secutus sum, & quidnam bonus iste  
 vsus in me sit operatus. Hinc clarè cogno-  
 scetur, quàm facile sit, vitium intemperan-  
 tiæ superare. Adiungam in fine, quantos fru-  
 ctus ex vita sobria capiamus.

Dico ergo, infirmitates, quæ non solum 6  
 initia in me dederant, sed etiam magnos  
 progressus fecerant, causam mihi præbuisse  
 relinquendæ intemperantiæ, cui multum  
 eram addictus. Per hanc enim & prauita-  
 tem mei temperamenti (cùm stomachus  
 mihi esset frigidissimus & humidissimus)  
 incideram in varios morbos, nempe in do-  
 lorem stomachi, & sæpè lateris, initiaq; po-  
 dagræ, cum vna febricula ferè continua, &  
 siti perpetua. Ex hac pessima dispositione  
 non aliud mihi restabat expectandû, quàm  
 vt post multas vitæ molestias ac dolores fi-  
 nem acciperem per mortem : cùm tamen  
 vita mea tantum per naturam adhuc abes-  
 set à termino, quantum per intemperantiam  
 ei erat propinqua. Cùm igitur hisce modis

CAVSÆ  
 CVR AV-  
 CTOR VI-  
 TAM SO-  
 BRIAM SIT  
 AMPLE-  
 XVS.

affectus essem ab anno trigesimo quinto vsq;  
 ad quadragesimum ætatis meæ, adhibitis &  
 tentatis omnibus remediis absque fructu,  
 dixerunt Medici, vnā adhuc meis malis  
 superesse medicinam, si velim ea constanter  
 vti, & patienter continuare: nempe *vitam*  
*sobriam* & ordinatam: hanc habere maxi-  
 mam vim ad sanitatem recuperandam &  
 conseruandam, sicut ei contraria maximam  
 vim habet ad eam labefactandam & extrin-  
 guendam; vt ego iam experientia didice-  
 ram. Illa enim homines prauæ complexio-  
 nis, & ætate decrepitos conseruat sanos: ha-  
 etiam ætate florentes, & perfectissimæ con-  
 plexionis prostermit, & longissimo tempo-  
 re in morbis detinet. Quod etiam ipsa ratio  
 conuincit. Nam contrariæ causæ contri-  
 rias habent operationes & effectus: vitia ri-  
 turæ sæpè arte emendari; terrasque steriles  
 & malignas mangonio agriculturæ reco-  
 fertiles & fructíferas. Addebant, nisi tali  
 medio tunc vterer, intra paucos menses  
 eò redactum iri, vt amplius iuuari nequeat  
 & postea intra paucos alios moriturum. A-  
 ditis his rationibus, cū abhorrerem  
 morte adeò præmatura, & premerem assi-  
 morborum doloribus, perluasus fui, ex tem-  
 perantia & intemperantia necessariò su-  
 dictos contrarios effectus nasci debere

DE VITÆ SOBRIÆ COMMODIS. 99

spe bona vitandæ mortis, & emergendi è doloribus, animatus, statui me dedere vitæ ordinatæ.

Itaque accepto ab illis modo quem de-  
berem tenere, intellexi me non posse come-  
dere aut bibere nisi è cibus & vino, quæ vo-  
cantur infirmorum, idque in modica quan-  
titate. Idem mihi antea mandarant: sed ego  
tunc temporis cum modo meo vivere vel-  
lem, & tales cibos fastidirem, non acquie-  
scebam, sed vescebar cibus palato gratis, &  
cum sentirem internos ardores, bibebam  
vina gustui amica, idque magna copia: nec  
ta men ea de re quidquam Medicis dicebam,  
ut passim moris est infirmorum. Sed post-  
quam statui sectari temperantiam & ratio-  
nis ductum, & viderem non esse rem diffi-  
cilem, sed proprium & debitum hominis  
officium, ita me addixi huic viuendi ratio-  
ni, ut numquam à recto tramite deflecte-  
rem. Quod cum facerem, paucos intra dies  
cepi cognoscere, tali modo me plurimum  
iuuari, eumque continuando, intra spatium  
temporis minus anno (etli videri queat ali-  
cui incredibile) fui ab omnibus meis infir-  
mitatibus prorsus immunis & liber.

Sanus effectus, cepti considerare vim tem-  
perantiæ, & ita mecum reputare: Si tempe-  
rantia tantas habuit vires, ut tanta mea ma-



la profligaret, & sanitatem adduceret; multò magis vim habebit, vt mihi sanitatē conseruet, & prauam meam complexionem iuuēt, & debilem stomachum corroboret. Quapropter diligentissimè cœpi inuestigare, qui cibi proposito meo congruerent, qui aduersarentur: & statui experiri, si illi qui gustui placent, mihi commodum an noxam adferrent; & an prouerbium illud, quo homines gulæ dediti, se tueri solent, *Quod sapit, nutrit & iuuat*, sit veritati consentaneū. Hoc cū facerem,prehendi esse falsum: nam vina fortia & frigidissima optimè mihi sapiebant; similiter melones & alij fructus, lactuca cruda, pisces, caro porcina, tortula, legumina, cibi ex pasta farinæ, & similes; tamen ex his omnibus nocumentum sentiebam. Itaque experientia fretus, ciborum illa genera, & vina fortia, & potionem frigidam reliqui, assumpto vino quod stomacho meo esset commodum, eaque mēlura, quæ facillè posset concoqui. Idem feci in cibis quod ad qualitatem & quantitatem attinet; simul ita assuescens, vt numquam appetitu cibi potiusve saturo è mensa discederem, sed possem amplius comedere & bibere; secutus ea in re dictum commune: *Se non satiare cibus, studium est sanitatis.*

9 Hac ratione submota intemperantia, me addixi

DE VI<sup>T</sup>Æ SOBRIÆ COMMODIS. 101

addixi vitæ sobriæ & regulatæ: quæ primò  
in me operata est id quod dixi, nimirum vt  
interuallo minore quàm vnus anni libera-  
tus fuerim omnibus malis, quæ tanto tem-  
pore me obsederant, & reddita erant quasi  
incurabilia: deinde vt in posterum non am-  
plius quotannis in morbū inciderem, sicut  
anteà solitus eram, cū sensibus & appeti-  
tui obsecundarem. Ab eo itaque tempore li-  
beratus fui, & sanissimus effectus, idq; mihi  
in hanc horam continuauit: eò quòd à sus-  
cepta sobriæ vitæ ratione numquam disces-  
serim. quæ sua vi admirabili efficit, vt cibus  
& potus congrua mensura assumptus, vim  
suam corpori relinquat, & superflua sine  
difficultate exeant, nullo prauo humore in  
corpore generato.

Cum hac diætâ, ab aliis quibusdam no- 10  
cumentis mihi caui, nimirum à nimio calo-  
re, frigore, fatigatione, vigiliis, & ab excessu  
in opere coniugali: itemque ab habitatione  
noxij aëris, à ventis & solis ardore. Etsi enim  
in mensura cibi & potus ratio valetudinis  
potissimū consistat; tamen illa quoque  
quæ iam commemorata, suam vim habent.  
Seruauī me quoque, quantum potui, immu-  
nem ab odio & melancholia, aliisq; animi  
perturbationibus, quæ magnam in corpora  
nostra vim obtinent. Non tamen ita potui

me ab omnibus istis seruare liberum, quin  
subinde in quædam inciderem: sed ea res  
mihi ad hoc adminiculo fuit, vt cognosce-  
rem per experientiã, illa non magnam vim  
habere, nec magna posse damna inferre in  
corpora, quæ moderatione cibi & potus be-  
nè sunt disposita: ita vt verè possim dicere,  
eos, qui in duobus istis, quæ per os intrant,  
congruam mensuram seruauerint, ab aliis  
excessibus parum nocumèti passuros. Con-  
firmat id Galenus, cùm ait, omnes alios ex-  
cessus, v.g. solis ardorem, frigora, ventos, la-  
bores, &c. parum ei nocuisse, eò quòd in  
duobus illis, quæ per os intrant, nimirum in  
cibo & potu, debitam moderationem ser-  
uaret, ac proinde ab illis incommodis num-  
quam ægrotasse, nisi per vnum diem. Id ita  
se habere, per experientiam cognoui, sicut  
testari possunt multi qui me nouerunt. Sæpè  
enim passus frigora, calores, & alia huius-  
modi corporis incommoda; sæpè animi non  
modicas vexationes: sed parum hæc mihi  
nocuerunt, cùm tamen aliis qui temperatè  
non viuebant, nocuerint plurimùm. Cùm  
enim frater meus, & alij quidam de mea fa-  
milia viderent motam mihi à viris potenti-  
bus litem maximi momenti, & metuerent  
ne causa caderem, correpti sunt humore  
melancholico, qui in corporibus vitæ inor-  
dina-



dinatæ solet abundare, qui malignitate contracta ita increuit, vt eis mortem præmaturam attulerit. Ego verò, cui res maximè debebat esse cordi, nihil passus sum incommodi; eò quòd talis humor in me non esset superfluus: quinimò vt mihi ipse animum adderem, conabar credere, diuina prouidètia hanc litem mihi excitatam, vt cognoscerem quantam vim sobria vita in corporibus animisque nostris habeat, ac tandem me fore victorem; sicut paulò pòst euenit. Nam in fine victoriam retuli magno meo honore, & fructu rei familiaris. Vnde percepi, maximum tum gaudium, quod tamen corpori nocumentum inferre non potuit. Ex quibus perspicuum est, neq. melancholiam, neque alium animi affectum nocere posse corporibus vitæ temperatæ.

Amplius dico, etiam contusiones & lapsus, qui aliis periculum mortis adferre solent, & grauissimè afficere, non posse nisi modicum nocumentum, & modicum dolorem talibus corporibus adferre. Hoc ita esse, experientia probaui cùm essem septuagenarius. Cùm enim rheda celeriter procederem, accidit eam euerti, & sic euersam per aliquod spatium impetu equorum raptari. Hinc grauiter mihi læsum caput & corpus vniuersum, & insuper alterum brachium, &

altera tibia suis iuncturis diuulsa. Domum relatus, cum à Medicis viderer adeò malè mulctatus, concluderunt me intra triduum esse moriturum. Nihilominus posse in omnem euentum adhiberi duo remedia, sectionem venæ, & medicamentū euacuans, vt humorum affluxus & inflammatio, & febris (quæ certissimè mox putabatur secutura) impediatur. Ego contrà, cum scirem vitam meam ordinatam tot annis continuatam, humores corporis mei ita temperasse & dispensasse, vt non possent multum conturbari, aut confluxum grauem efficere, recusavi vtrumque remedium, & solùm iussi vt tibiam & brachium suis iuncturis restituerent, & singulas partes congruis oleis vngerent: sicque absque alio remedio conualui, nullo alio incommodo, nulla alteratione affectus: quæ Medicis instar miraculi visa. Vnde concludo, eos qui vitam temperatam colunt, parum mali ab aliis incommodis sensuros.

12 Sed & hoc quoque per experientiam cognoui; ordinatæ vitæ regulam diu obseruatam, non sine grauissimo incommodo violari. Quatuor iam anni sunt (accidit enim cum 78. essem annorum) cum Medicorum consilio, & meorum importunitate assidua inductus sum, vt aliquid mensuræ consuetæ adice-

DE VITÆ SOBRIÆ COMMODIS. 105  
adiicerem. Varias rationes adferebant: senilem ætatem non posse tam modico cibo & potu sustentari; neque solùm dandam operam vt natura utcunque sustentetur, sed etiam robur & vigorem habeat; idque nisi per cibum & potum fieri non posse. Ego contrà, naturam paucis esse contentam: me tot annis modica illa mensura sanum perseverasse: hanc consuetudinem mihi versam in naturam: rationi consonum esse, vt crescentibus annis & viribus sensim decrescen-  
tibus, cibi potusque mensura minuatur potius quàm augeatur; vt patiens sit proportionatum agentis: stomachi vim sensim fieri imbecillio-rem. Huc pertinere duo proverbia apud Italos usitata. Alterum: *Qui multum vult comedere, comedat parum*: nimirum, quia parum comedendo protrahit vitam. Alterum: *Plus iuvat cibus qui superest comedenti, quàm qui ab illo comestus*. Vbi insinuatur, nocumentum immoderati cibi assumpti maius esse, quàm sit commodum ex modèrato. Verùm hæc omnia, illis assidue urgentibus, me tueri non poterunt. Itaque ne viderer obstinatio-  
rer, cessi tandem, & permisi mensuram cibi augeri, sed duabus dumtaxat vnciis. Cùm enim antea mensura cibi diurni totius, nimirum panis, vitelli oui, carnis & minestræ  
G 5      esset



esset vnciarum 12. exactè pensata, auxi adiectis 2. vnciis ad 14; mensuram potus, quæ vnciarum erat 14. auxi ad 16. duabus similiter vnciis adiectis. hoc augmentum post decem dies ita in me cœpit operari, vt ex læto & alacri factus sim melancholicus & cholericus, adeò vt omnia mihi essent molesta, nec scirem quid dicerem aut facerem. Duodecimo die inuasit me dolor lateris, qui 22. horis durauit: deinde superuenit febris grauissima, quæ 35. dies & totidem noctes continuauit; etsi post quintumdecimum diem semper minor euaserit. Accedebat, quòd intereà temporis non possem capere somnum, vel ad vnius horæ quadrantem: vnde omnes iudicabant me moriturum. Nihilominus ego (Dei gratia) me curauì sola regula illa viuendi, etsi iam essem annorum 78. & hiems esset auraque frigidissima, & corpus extrema macie confectum. Mihi quæ certum est, nihil aliud post Deum me à morte liberasse, quàm exactam illam vitæ regulam, tot annis à me continuatam: quo tempore vniuerso nihil mali sensi, nisi subinde aliquam indispositionem vnius aut alterius diei. tot enim annorum temperantia, consumptis prauis humoribus, non permiserat alios malignos subnasci; neque probos corrumpi, aut malignam qualitatem contrahere,

trahere, sicut in senum corporibus, qui abique huiusmodi regula viuunt, euenire solet. Nulla in humoribus corporis mei senilis malignitas, quæ mortales occidere solet. Noua autem illa ex noua inordinatione, de qua dixi, introducta, vim non habuit (etsi malum esset grauissimum) ad me occidendum.

Ex his clarè perspicitur, quanta sit vis  
 recti ordinis & inordinationis, temperan-  
 tiæ inquam & intemperantiæ: quarum illa  
 tot annos me sanum præstitit; hæc etsi exi-  
 guus fuerit excessus, paucis diebus ita pro-  
 strauit. Si mundus ordine constat, si vita no-  
 stra corporalis pendet ab harmonia & pro-  
 portione humorum ac elementorum: mi-  
 rum non est, si ordine certa regula debeat  
 conseruari; & inordinatione lædi ac destrui.  
 Ordo disciplinas reddit faciliores; exerci-  
 tum efficit victorem; regna, ciuitates & fa-  
 milias in pace retinet & confirmat. Vnde  
 cōcludo, vitam ordinatam esse certissimam  
 rationem & fundamentum vitæ sanæ &  
 longauæ; ac veram & solam medicinam  
 morborum plurimorum. Neque id quis-  
 piam negare potest, qui rem attentius inspe-  
 xerit. Hinc Medicus cū infirmum visitat,  
 hanc ei primam medicinam præscribit, vt  
 certa mensura cibum potumque sumat;  
 eandem

13

VITA SO-  
 BRIÆ OP-  
 TIMA ME-  
 DICINA  
 MORBO-  
 RVM.

eamdem commendat iam curato, si sanitatem retinere desiderat. Neque dubitandum est, quin à morbis in posterum liber foret, si talem vitæ rationem teneret: quia omnes illa morborum causas rescaret, & ita nec Medicis nec medicamentis ei opus foret. Inò si animum ad ea quæ oportet, attendere velit, se ipse Medicum efficiet, & quidem perfectissimum. Nam re vera homo non potest esse aliis perfectus Medicus, sed tantum sibi soli. Cuius rei hæc est ratio. Quiuis enim diuersis experiētiis potest cognoscere naturæ suæ conditionem, suasque occultas proprietates: qualis cibus & potus, & quæ mensura naturæ suæ congruat. Hæc tamen non ita possunt cognosci in aliis: quia opus longa experientia, & obseruatione exactissima, quam circa alios non facile habere possumus; præsertim cum maior sit diuersitas temperamentorum quam vultuum. Quis credat, vinum vetus nocere meo stomacho, & nouum iuuare? Me pipere minùs incallescere quàm cinnamomo? Quis Medicorum has duas occultas proprietates mihi indicare potuisset, si ego longa experientia vix tandem eas deprehendere potui? Itaque alter alteri non potest esse perfectus Medicus. Vnde cum homo non habeat meliorem seipso Medicum, nec melius medicamentum



tum quàm sobriam vitam, perspicuum est hanc omnino amplectendam.

Non tamen negauerim quin Medici sint <sup>14</sup> necessarii, & magni pendendi ad cognoscendos & curandos morbos, in quos sæpè incurrunt qui vitam odinatam non sectantur. Si enim amicus, qui te visitat in morbo, & solùm verbis solatur & compatitur, rem tibi gratam præstat: quantò tibi charior debet esse Medicus, qui instar amici te inuisit ut iuuet, remedia adhibet, & salutem tibi promittit? Verùm ut quis sanum se conseruet, sentio deberi amplecti loco Medici vitam regulatā; quæ, ut experientia constat, est medicina naturalis & nobis propria: quia etiam maligni temperamenti corpora conseruat sana, & efficit ut ad longum æuum etiam 100. annorum & ampliùs, vitam proferant, & tandem absque doloribus & humorum perturbatione vitam finiant, ac per puram humoris radicalis consumptionem, instar lampadis extinguantur. Multi putarunt id posse fieri auro potabili, & lapide philosophico (quem Elixir vocant) à multis quæsito, à paucis inuento: sed frustra sunt, si vita temperata absit.

MEDICI  
NECESSA-  
RII.

Verùm homines sensuales & intemperantes (quales plerique sunt) volentes suos <sup>15</sup> appetitus satiare, & gulæ indulgere, etsi videant

CVR SEN-  
SIBVS DE-  
DITI RE-  
FUGIANT  
VITAM SO-  
BRIAM.

DECEN  
ANNI VI-  
TAE IN  
AETATE  
MATVRA  
MAGNI  
PENDEN-  
DI.

deant ab intemperantia se malè subindetra-  
ctari: nihilominùs vitam sobriam refugiunt.  
quia, inquit, *Melius est obsequi appetitui,*  
*& decem annos minùs viuere, quàm naturam*  
*suam assiduè frenare.* sed non considerant  
quanti momenti sint homini decem anni  
vitæ, & sanæ vitæ in ætate matura, qua ma-  
ximè perficitur & viget prudentia & sapien-  
tia, & omne virtutum genus, quæ nisi in illa  
ætate perfectè esse nequeunt. Et vt de cete-  
ris taceam, nōne omnes pænè eruditissimi  
libri quos habemus, à suis auctoribus ætate  
matura, & illo decennio, quod illi præ gulæ  
suæ voluptate nihili æstimaunt, conscripti  
sunt?

16 Prætereà dicunt isti sensuum serui, vitam  
NON ESSE ordinatam rem esse adeò difficilem, vt ser-  
REM DIF- uari nequeat. Ad hoc respondeo, Galenum  
FICILEM. illam seruasse, & loco optimæ medicinæ  
habuisse: Platonem quoque & Isocratem  
& Ciceronem, aliosque plurimos veterum:  
& nostra ætate Paulum tertium, & Cardi-  
nalem Bembum, qui ideirco tam diu vixe-  
runt: & è nostris Ducibus Landum & Do-  
natum; aliosq. plurimos inferioris conditio-  
nis, non solum in vrbe, sed etiam in vicis ac  
pagis. Itaque cum multi olim illam tenuer-  
int, & modò adhuc teneant, non est res quæ  
non à quolibet præstari queat: præsertim  
cum

DE VITÆ SOBRIÆ COMMODIS. III

cū hīc nō sit opus multis aut exquisitis rebus, sed tantū vt quis incipiat, & sensim adsuescat.

Nec obstat quōd Plato dicat, eos qui in Repub. versantur, nō posse vitā ordinatā tenere, quia sēpē opus est calores & frigora, & ventos, & imbres, & niues ac varios labores perpeti, quæ nō conueniunt vitæ ordinatæ. Respondeo enim huiusmodi incommoda nō esse magni momenti (vt suprā ostensum est) si vitam sobriā agas in cibo & potu: quod facile est iis, qui in Repub. versantur, & maximē cōueniens: tum vt à morbis, qui functiones publicas impediunt, se præstent immunes: tum vt mente in omnibus, quæ occurrunt, negotiis magis vigeant.

Obijciunt aliqui: Qui vitam agit regulatam, comedendo semper infirmorum cibos, & exigua quantitate, quid faciet in morbis? qualem diætā capeffet, cū eam anticiparit sanus?

Respondeo Primò: Natura, quæ hominem nititur cōseruare quantum potest, nos docet quomodo in morbis debeamus nos gubernare: nam subitò tollit appetitum, vt nō comedat nisi parum: ipsa enim paruo est contenta. Vnde infirmus siue antea vitam regulatam tenuerit, siue nō, cū infirmus est, nō debet vesci nisi cibis morbo

con-



congruentibus, idque multò minore mensura, quàm cùm esset sanus. Si enim priorem mensuram seruare vellet; naturam, quæ iam morbo grauata est ac debilitata, opprimeret.

Secundò respondeo, & meliùs: Eum qui vitam sobriam sectatur, non posse in morbum incidere, imò rarò & exiguo tempore se sentiet indispositum: quia ratio illa viuendi sustulit mali causam. Causa sublata, tollitur quoque effectus, nempe morbus.

18 Quare cùm vita ordinata adeò sit vtilis, adeò virtuosa, pulchra & sancta; digna est quam omnes amplectantur: præsertim cùm facilis sit, & hominis naturæ maximè consentanea. Nemo qui illam sectatur, astringitur vt tam parù comedat aut bibat quàm ego: nemo vetatur vesci fructibus, pisce, & aliis, quibus ego non vescor. Ego parum comedo, quia tantillum satis est paruo & debili meo stomacho. Abstineo fructibus, pisce, & similibus cibis, quia mihi nocent: qui verò talibus iuuantur, possunt, imò debent illis vtì; tantum abest vt sint vetandi. Cuilibet tamen cauendum, ne maiorem quantitatem etiam commodissimi cibi, vel potus assumat, quàm ventriculus ipsius facile possit concoquere. Vnde qui nullo cibi vel potus genere offenditur, ei sola quanti-

tatis

VITAMSO-  
BRIAM  
AMPLE-  
CTEN-  
DAM.

DE VITÆ SOBRIÆ COMMODIS. 11;  
tatis regula, non qualitatís est seruanda. quæ  
res factu est facillima.

Nemo hîc mihi obijciat, multos reperiri 19  
qui etsi inordinatissimè viuant, sani tamen  
ad vltimos vitæ terminos perueniunt; quia  
cùm hæc res sit incerta, periculosa, & rarissimè  
accidat; non debet eius fiducia nos in-  
ducere ad vitam inordinatam. Non est pru-  
dentis, tantis se exponere morborû & mor-  
tis periculis ac incommodis, spe euentus fe-  
licis, qui rarissimis obtingit. Magis securus  
est vitæ, senex prauæ complexionis, tenens  
vitæ regulam, quàm iuuenis robustissimus  
absque regula viuens. qui tamen probi est  
temperamenti, potest cum recto vitæ ordine  
longiùs producere vitam, quàm qui est pra-  
ui. Et potest interdum fieri, vt homo sit tam  
boni & firmi temperamēti, vt etiam absque  
tanta regula possit viuere sanus annos pluri-  
mos, & mori in extrema senectute per pu-  
ram resolutionem: sicut Venetiis accidit  
procuratori Thomæ Contareno, & Paduæ  
viro nobili Antonio Capo di vacca. Sed ta-  
lem vix vnum inuenias inter centum mil-  
lia. Vnde quod ad alios attinet, si quis  
ex illis diu sanus viuere exoptat, & absque  
dolore & molestia mori per resolutionem;  
necesse est vt ordinatam vitæ rationem te-  
neat. Hoc enim modo, non aliter, potest

H

frui

QVIDAM  
INORDI-  
NATE VI-  
VENTES  
DIV SANI  
VIVUNT,  
SED HI  
RARISSI-  
MI.

frui fructibus talis vitæ, qui sanè sunt plurimi, & singuli eorum maximi æstimandi.

20 **EFFECTVS  
VITÆ SO-  
BRIÆ.** Primò, quia efficit vt humores in corpore sint puri & benigni : quò fit vt non permittat fumos è vètriculo ad caput efferri. Vnde vltèriùs sequitur, vt tali homini cerebrum sit purum instar speculi, & mente vbique vigeat. Itaque facilè ex infimis istis & terrenis ad diuinarù rerum sublimes ascendit considerationes, cum summa animi voluptate & consolatione; eaquè cognoscit, quæ aliàs numquam potuisset cogitare: nimirù quanta sit Dei potentia, sapientia & bonitas. Hinc descendit ad naturam corporalem, eamquè cognoscit esse opus diuinum. Videret & manu tangit ea quæ in alia ætate, & cerebro minùs purgato non potuisset vñquam videre vel tangere. Tunc videt turpitudinem vitij, in quod cadit is, qui affectus humanos nequit domare. Tunc cognoscit triplicem illam cupiditatem, quæ nos ab incunte ætate comitatur, carnalis voluptatis, honoris, & diuitiarum; quæ in senibus vitæ intemperatæ crescere solet. Hanc is, qui non sensum & appetitum, sed rationis ductum longo vsu consuevit sectari, facilè temperat & cohibet; ita vt ab ea non magnopere infestetur. Deinde cùm se videt ad terminum tendere, & resolutioni propinquum, non  
conci-



DE VITÆ SOBRIÆ COMMODIS. 115

concipit inde animo mœrorem : quia cū  
sciat Dei beneficio , relicto vitio , sectatum  
virtutem , sperat per Christi Redemptoris  
nostri merita mori in eius gratia , & æterna  
frui beatitudine . Accedit quòd videat se  
iam ad id ætatis peruenisse , ad quod paucis-  
simi pertingunt : & mortē propinquare non  
cum impetu & ex improviso cum acerbis  
doloribus , sed leni & benigno passu , solius  
humidi radicalis , qui instar olei lucernæ  
sensim minuitur , consumptione : quo fit vt  
ipse suauiter sine dolore , ab hac vita terrena  
& mortali , ad cælestē & æternam transeat.

O sanctam & verè felicem vitam ordina-  
tam , meritoque ab omnibus colendam ! O  
infelicem & detestandam vitam inordina-  
tam , quæ tantis malis genus replet humanū.  
Pulchra vox & amabilis , *Vita ordinata* , *so-*  
*brietas* , *temperantia* : sicut è contrario fœdi-  
tatem sonat , *Vita inordinata* , *crapula* , *intem-*  
*perantia* . Et tale discrimen inter hæc cerni-  
tur , quale inter vocem *Angelus* , & *diabolus* .

Hactenus explicui causas , per quas me ab  
intemperantia vindicaui , & vitæ sobriæ ad-  
dixi , & modum quem in ea re tenui , & quid  
inde mihi acciderit : & commoda quæ illa  
suis asseclis præstat.

Sed quidam sensibus dediti & parum ra-  
tioni obsequētes objiciunt , non esse optan-

AETAS SE-  
NILIS  
MVLT  
HABET  
OBLECTA-  
MENTA.

dam longam vitam, eò quòd post sexagesimum quintum ætatis annum, non possit dici *Vita viua*, sed *Vita mortua*. Verùm hi errant grauitèr, vt nunc ostendam ex meipso, narrando mea oblectamenta, & voluptates, quas in hac mea ætate 83. annorum capio, quæ tales sunt, vt passim me hominès felicem iudicent. Prospera vtor continuò valetudine, & ita sum agilis, vt ex plano facile equum conscendam, & altos gradus, & colles sublimes pedibus subeam. Deinde semper sum alacris, iucundus, & benè contentus, liber ab animi turbelis, & omni molesta cogitatione: quorum loco gaudium & pax in corde meo suam fixere stationem. Non me tædet vitæ, quam ego magna mea voluptate transigo. Sæpè offertur occasio colloquendi cum viris præstantibus, qui ingenio, moribus, litteris, aliisq; virtutibus excellunt. Cùm talium deest copia, trado me lectioni alicuius libri eruditi, & postea scriptioni, id in omnibus inquirens, quo possim iuuare alios quantum vires meæ permittunt. Hæc omnia facio pro meo commodo, & congruis temporibus, & in propriis ædibus, quæ præterquam quòd sint in pulcherrima huius eruditæ ciuitatis (Paduæ inquam) regione, sunt valdè pulchræ & commodæ, quales paucæ hac ætate, secundum rationem archi-

architecturæ ita à me fabricatæ, vt non minùs aduersus æstum, quàm frigus seruiant. Fruor simul meis hortis, iisq; diuersis, aquarum currentium riuis ad latus deriuatis: in quibus magna sanè oblectatio. Fruor aliquot mēsis per annum oblectatione collis in montibus istis Euganeis, vbi & fontes habeo & hortos, & domum commodissimam. Fruor alia villa mea in plano sita, quæ est pulcherrima: quia plurimæ viæ ita dispositæ, vt in mediam quamdam aream benè amplam concurrant: in huius areæ medio ecclesia satis honorata pro loci conditione. Interluitur hæc area fluuio Brenta, vtriusque magnis campis adiacentibus, qui fertiles & benè culti, multisque habitaculis ornatī. Antea non sic erat, quia locus erat paludosus & malè sanus, bestiis quàm hominibus aptior: sed ego aquas deduxi, terram siccaui, & aërem bonum effeci, vnde homines eò concurrerunt, & ædibus ædificatis habitare cœperunt, felici successu. Hoc modo locus ad eum statum, multiplicatis plurimum incolis, perductus est quem hodie videmus: vt possim verè dicere, me Deo dedisse templum & altare, & animas quæ ipsum adorent: cuius rei recordatio maximum mihi adfert gaudium. Excurro etiam quotannis ad aliquam è ciuitatibus vicinis, vt amico-



rum fruar aspectu & colloquio, & præterea artificum præstantium in architectura, pictoria, sculptoria, musica, & agricultura, qualium hoc æuo magna copia. Inspicio eorum opera, confero ea cum antiquis, & semper discō aliquid, quod gratum nosse. Lustro palatia, hortos & antiquitates, loca publica, templa & munitiones, nec quidquam omitto, unde possim discere, & voluptatem capere. Oblector quoque plurimum cum proficiscor, in itū & reditu cōsiderando pulchritudinem locorum, & eorū situm: quorum alij in plano, alij in colle, vicini fluminibus vel fontibus, multis structuris & hortis exornati. Neque hæc oblectatio mihi sensuum obtusione redditur minor; quia omnes mihi sensus perfectè vigent, præsertim gustus; ita ut simplex cibus quouis loco magis mihi sapiat, quàm olim, cum sensibus & vitæ inordinatæ deditus, omnes delicias. Lectorum mutatio non mihi molesta: quouis loco benè & quietè somnum capio: somnia pulchra & iucunda. Sed hoc imprimis oblectat, quòd videam felicem exitum sortiri conatum illum, huic Reipub. utilissimum, quo tanta locorum incultorum spatia reducuntur ad culturam, meo suggestu & consilio inchoatum. Fui ego vnus ex deputatis ad illius operis directionem, & mansi in

in locis illis palustribus duos menses continuos in feruore æstatis: nec tamen inde sensi aliquid noxæ aut incommodi. tanta vitæ sobriæ, quæ semper & vbique me comitatur, est vis & efficacia. Præterea certò speramus videre inchoatam & finitā aliam molitionem non minoris momenti, qua conseruetur nostrum æstuarium, maximum & admirabile munimen charæ patriæ: cuius conseruationis ratio & modus à me (absit verbo iactantia) est excogitatus, & sæpius huic Reipub. suggestus, tñm viua voce, tum scriptorum meorum lucubrationibus. Hæ sunt oblectationes & solatia meæ senectutis: qualis planè senectus multum præferenda est alterius iuuentuti & senio; eò quòd per vitam sobriam, Dei gratiā, ab animi perturbationibus, & morbis corporis sanata, non sentiat ea incommoda, quibus infiniti iuuenes, & totidem languidi senes miserè cōflicantur. Sed & ex hoc, quomodo corpore & animo sim dispositus, cognosci queat, quòd hac ætate nempe annorum 83. composuerim lepidissimam comœdiam, plenam honestis iocis, & verborum salibus; quod genus poëmatis solet esse partus iuuentutis, cui ob varietatem & iucunditatē maximè congruit: sicut tragœdia senectutis, cui ratione grauitatis & tristium euentuum quos proponit,

nit, est accommodata. Nunc si Græcus poeta laudetur, quod anno 73. ætatis tragediam conscripfit, & idcirco sanæ mentis & prudens iudicatus est: cur ego minùs videar felix aut sani iudicij, cum 10. annis illo senior confecerim comœdiam? Ne qua verò desit meæ senectuti oblectatio, intueor assidue speciem quamdam immortalitatis in successione meorum posterorū. Cum enim domum redeo, inuenio vndecim nepotes, omnes vnus patris & matris filios, omnes sanissimos; omnes, quantum conijcere licet, litteris pariter ac bonis moribus aptissimos, & valdè deditos. Recreor illorum cantu & bonis moribus: & ipse canto sæpenumerò, quia clarior mihi nunc magisque sonora vox, quàm vnquam antea.

- 23 Ex quibus perspicuum est, vitam, quam ego viuo in hac ætate, non esse vitam mortuam, tristem, morosam; sed viuidam, lætam, iucundam. Neque si mihi optio detur, velim mutare ætatem, & corporis mei statum cum iuuenili eorum qui sectantur suos appetitus, etsi optimi sint temperamenti, & naturæ robustissime: quia tales quotidie sunt expositi mille morbis, & mortibus; sicut quotidiana experientia docet, & ipse in me sum expertus, cum iuuenis essem. Scio quàm illa ætas sit inconsiderata, & propter calorem

ITA SE-  
NILE SO-  
BRIA  
PRAEFE-  
REND  
IUVENILI  
TEMPERA-  
MENTO,  
ETC.



caloris abundantiam animosa, & sibi ubique præfidens, spe bona in omni re: tum propter defectum experientiæ, tum quia se putant ad omnia satis firmos & validos. Vnde audacter se periculis quibûsvis exponunt, & abacta ratione, traditoque rationis imperio in manibus concupiscentiæ, quærunt ubique satisfacere suis desideriis: nec aduertunt miseri, se hac ratione multos morbos, ac sæpè mortem præmaturam sibi accersere. quorum malorum alterum est toleratu acerbum, alterum intolerabile & tremendum. Mors enim apparet intolerabilis omnibus sensuum & carnis mancipiis, & potissimum iuuenibus, quibus summum malum videtur, mori ante tempus. Eadem tremenda illis, qui peccata sua, quibus vita ista mortalis est plena, & vindictam diuinæ iustitiæ, in pœnarum æternitate considerant.

Ego verò contrà ab utroque hoc malo 24  
 sum immunis: à morborum metu; quia certus sum, non facile me posse in morbum incidere, morborum causis per sanctam medicinam sobrietatis excisis. A mortis anxio metu; quia tot annorum usu didici locum dare rationi. Vnde non solum turpe mihi videtur, timere id quod vitari nequit: sed etiam spero cum ad illud punctum venero, non modicam, gratiâ Iesu Christi, sentire

consolationem. Præterea finis iste adhuc  
 procul abest. Scio enim me ( fortuitis euen-  
 tibus sepositis) non moriturum, nisi per pu-  
 ram resolutionem : eò quòd per vitæ meæ  
 regulam, omnes alios aditus morti occluse-  
 rim. Pulchra & desiderabilis mors, quam  
 natura nobis affert viâ resolutionis. Cum  
 enim natura vinculum vitæ nostræ effece-  
 rit, facilius inuenit modum illius soluendi,  
 & dat maiores inducias, vt lenissimè soluat.  
 Talis mors non obuenit nisi post longissima  
 ætatum spatia, & vi summæ debilitatis; quia  
 sensim longo temporis tractu eò redigun-  
 tur homines, vt non possint amplius ambu-  
 lare, nec etiam, nisi difficulter, ratiocinari,  
 fiuntque cæci, surdi, curui; à quibus malis  
 per gratiam Dei video me adhuc procul ab-  
 esse : & credo animam meam, quæ in huius  
 mei corporis statione nihil inuenit nisi pa-  
 cem & concordiam, tum inter humores,  
 tum inter sensum & rationem, non facile ab  
 ea recessuram, & multis annis opus fore, vt  
 ab ea expellatur. Vnde videor mihi. certè  
 posse concludere, me multos adhuc annos  
 victurum prospera valetudine, fruendo huius  
 mundi adspectu & pulchritudine, & speran-  
 do idem me facturum per gratiam Dei in  
 altero : idque totum adminiculo virtutis &  
 sanctæ sobrietatis; cui me addixi, amicum

*Vixit post-  
 eà multos  
 annos, nam  
 anno xcv.  
 Etatis totus  
 sanus &  
 alacris a-  
 lium tra-  
 ctatum edi-  
 dit.*

me constituens rationi, & inimicū sensus & appetitus. Quod omnino cuilibet facile est factu, qui vult viuere prout decet hominem.

Superest ergo, cū vita sobria res sit adeò <sup>25</sup> felix, & nomen delectabile, possessio adeò <sup>EXHOR-</sup> facilis, conseruatio ita certa & firma, vt <sup>TATIO AD</sup> omnes, qui ingenio præditi, ex animo mo- <sup>VITAM</sup> neam, horter & deprecet, vt hunc opulen- <sup>SOBRIAM,</sup> tissimum vitæ thesaurum obuiis vlnis amplectantur. Qui thesaurus sicut omnes alias opes huius mundi superat (adfert enim nobis vitam longam & sanam) ita dignissimus est, quem omnes ament, inquirant, & possideant semper.

Hic thesaurus est sancta illa *sobrietas*, grata Deo, amica naturæ, filia rationis, soror virtutis, socia vitæ temperatæ, modesta, nobilis, elegans, paucis contenta, ordinata, & suis functionibus distincta.

Ex ipsa tamquam radice nascitur vita, sanitas, alacritas, industria, rerum honestarum studia, & omnes actiones dignæ animo benè morato & composito. Ei fauent leges diuinæ & humanæ, Procul ab illa, tamquam nebulæ à sole, fugiunt repletio, saturitas, crapula, humores superuacanei, vapores noxij, intemperies, febres, dolores, mœrores, & mortis pericula. Sua pulchritudine allicit animos generosos, sua securitate promittit omni-



omnibus amicam & longam vitæ conseruationem : sua facilitate inuitat quemlibet cum exigua molestia ad obtinendas eius victorias. Deniq; promittit se fore benignam custodem vitæ tam diuitis quàm pauperis, tam maris quàm feminæ, tam senis quàm iuuenis. Diuitem docet modestiam, pauperem parsimoniam, virum continentiam, feminam pudicitiam, senem qua ratione mortem à se defendat, iuuenem vt firmiorem spem vitæ habeat. Sobrietas sensus reddit purgatos, corpus agile, intellectum viuacem, animum alacrem, memoriam tenacem, motus expeditos, actiones promptas & faciles. Per illam anima veluti terreno pondere exonerata, experitur magna ex parte suam libertatem : spiritus suauiter per arterias discurrunt, sanguis blandè per venas diffunditur, & calor temperatus ac blandus facit temperatos & blandos effectus. Denique nostræ potentiæ pulcherrimo ordine seruant gratissimam harmoniam.

- 26 O sanctissima & innocentissima sobrietas, vnicum naturæ refrigerium, benigna mater humanæ vitæ, vera tam animi quàm corporis medicina ! quantùm te mortales laudare, quanto affectu & promptitudine amplecti deberent ! quia præbes illis modum, quo maximum huius vitæ bonum, vitam

tam inquam, & sanitatem tueantur. Vti-  
nam ipsis tua bona perspecta forent, præfer-  
tim iis qui vitæ sanctæ & spirituali dediti, in  
monasteriis contemplationi & orationi va-  
cant! Quantò & ipsi, & eorum actiones  
summo Deo gratiores forent, si totos se ad  
te colendam conferrent! Quantum hunc  
mundum & Ecclesiam Christi exornarent!  
Nam in terris æstimarentur vt verè Patres  
sancti, sicut olim habiti fuere antiqui Ere-  
mitæ, Religiosi, & Episcopi: qui præter vitã  
spiritualem etiam hanc sobriam seruabant.  
Sicut hi viuendo hoc modo ultra 100. an-  
nos sæpenumerò ætatem extenderunt, &  
multa miracula patrarunt: ita & illi facerēt,  
eamdem ducem secuti. Essent prætereà sani,  
contenti, alacres, vbi modò magna ex parte  
sunt morbidi, melancholici, inquieti, sua  
sorte non contenti. Et quia aliqui dicunt  
ista illis à Deo immitti, vt exerceat illorum  
patientiam, & ipsi pro peccatis suis pœni-  
tentiam agant: ego puto illos decipi: quia  
non possum credere, Deo placere vt homo  
opus & imago ipsius, quem tantopere amat,  
viuat infirmus, melancholicus, malè con-  
tētus: quin potius illi placet, vt viuat sanus,  
alacris, bene cōtentus. Sic enim vivebant  
sancti Patres, & ita meliùs seruiebāt diuinæ  
Maiestati, orationibus & sanctis operibus  
vacan-

*Ex alio  
tractatu  
pag. 22.  
quem scri-  
psit anno  
ætatis xcv.  
ad Religio-  
sos.*

\* PVTA EX  
SE, ET OR-  
DINARIE,

vacando. O quàm pulcher esset hic mundus, si tales essent religiosi huius temporis; quia nunc sunt plures religiones & plura monasteria quàm olim erant: in quibus si regula sobriæ vitæ seruaretur; magnus esset venerandorum senum doctrina & sanctitate eminentium numerus, quos orbis suspiceret. Neque idcirco deessent vitæ, ordini, & regulæ viuendi, quam religio vel monasterium statuit, sed potiùs hanc redderent perfectiorem. Nam in omni religione concessum vesci pane, & bibere vinum, & interdum vesci ouis, & in quibusdam permissa etiam caro: præterea variæ sorbitiones, acetaria, fructus, & ouorum tortulæ; qui cibi sæpè illis nocent, & aliquibus vitam adiungunt: sed quia ab Ordine cōcessi, illis vtuntur, cogitantes forsitan se peccaturos, si aliquid ex illis relinquerent. Verùm non peccarent, imò magnum bonum præstarent, si vbi trigessimum ætatis annum excessere, illos relinquerent, & inciperent viuere pane & vino, cum panatella ex pane, & ouis cum pane. Hæc est vera ratio conseruandi hominem à prauis succis & humoribus, malaque complexionem: estq; multò laxior quàm illa sanctorum Patrum antiquorum in desertis, qui solùm fructibus siluestribus & herbarum radicibus vescébantur, & aquam bibebant: